



Služba Općinskog načelnika i
Općinskog vijeća

Broj: 02-04-2-2305/21

Datum, 28.12.2021. godine

ZAPISNIK

sa 11. redovne sjednice Općinskog vijeća Maglaj
održane dana 28.12.2021. godine u 9:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Svjetlana Zamboni-Radovanović, na osnovu člana 59. Poslovnika o radu Općinskog vijeća Maglaj, zaključaka Kolegija od 20.12.2021.godine, te Programa rada Općinskog vijeća za 2021. godinu, otvaram 11.redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH i samostalni vijećnici Elvir Vehabović i Mustafa Bešić.

Poziv za sjednicu dostavljeni su OSCE terenskom uredu u Travnik, te sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnik u Domu naroda gospodin Jasminko Kapić, te zastupnica u Skupštini ZDK gospođa Emira Drnda-Čičeklić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Zamolila bih predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 11. redovnoj sjednici Općinskog vijeća.

Konstatujemo da današnjoj sjednici Općinskog vijeća prisustvuje 22 vijećnika.

Nisu prisutni vijećnik Eldis Kusur, vijećnik Maid Suljaković i vijećnik Pero Mamić. Njihov nedolazak je najavljen, da tako kažem. Na sjednici prisustvuju 22 vijećnika, te konstatujem da Općinsko vijeće može punovažno raditi i odlučivati i donositi odluke, zaključke i rješenja, ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 10. redovne sjednice Općinskog vijeća.

Da li ima primjedbi na dostavljeni Zapisnik? Nema. Ko je za verifikaciju Zapisnika sa predhodne sjednice? Ima li neko protiv? Uzdržan ?

Konstatujem da smo jednoglasno verificovali Zapisnik.

Otvaram raspravu po pitanju predloženog Dnevnog reda. Ima li prijedloga za proširenje dnevnog reda. Meni je Načelnik najavio da ćete se Nedžade Vi, obratiti vezano za Dnevni red. Izvolite.

Nedžad Ćatić, pozdravljam sve prisutne. Ja predlažem da se proširi Dnevni red za tačku Prijedlog Odluke o kupovini zemljišta u obuhvatu I zaštitne zone izvorišta vode za piće Misurići. Znači, radi se o zemljištu Hrnjić Saida koji je ostao u I zaštitnoj zoni kao jedino privatno zemljište i on je ponudio Općini da se otkupi. Mi smo proveli postupak i pripremili tu Odluku. Hvala.

Predsjedavajuća Svjetlana Zamboni-Radovanović, čini mi se da smo o ovome nekad ranije razgovarali na nekoj od sjednica, ne znam više ni u kojem sazivu, ali znam da je bilo aktuelno, vezano za tu zaštitnu zonu. Predsjednici Klubova smatrate li da je potrebno održati Kolegij zbog ovoga? Nema potrebe. Ok. Ima li još prijedloga vezano za Dnevni red? Nema. Evo dakle prijedlog iz Službe jeste da se Dnevni red proširi za još jednu tačku. Materijal je ovdje kod mene. Dakle vjerujem da je Služba pripremila i za vijećnike. Dakle radi se o tački pod imenom Prijedlog Odluke o kupovini zemljišta u obuhvatu I zaštitne zone izvorišta vode za piće Misurići koju bismo uvrstili, pa odmah ovdje na trećem mjestu, da ide odmah ovdje sa ovim odlukama iz urbanizma. Ko je za ovakav prijedlog? Ima li neko protiv? Uzdržan ? Konstatujem da smo jednoglasno usvojili ovaj prijedlog. Evo dobijate. Elza će vam upravo podijeliti materijal, kao što sam rekla Služba je to pripremila. Na osnovu toga predlažem sljedeći Dnevni red za 11. sjednicu Općinskog vijeća, a to je:

DNEVNI RED

1. a) **Prijedlog Budžeta/Proračuna Općine Maglaj za fiskalnu 2022.godinu;**
b) **Prijedlog Odluke o izvršavanju Budžeta/Proračuna Općine Maglaj za fiskalnu 2022.godinu;**
2. **Prijedlog Odluke o izmjeni i dopuni Odluke o komunalnim taksama općine Maglaj;**
3. **Prijedlog Odluke o kupovini zemljišta u obuhvatu I zaštitne zone izvorišta vode za piće Misurići;**
4. **Prijedlog Odluke o prodaji nekretnine neposrednom pogodbom radi oblikovanja građevinske parcele (Mašić Ševala);**
5. **Prijedlog Odluke o prodaji nekretnine neposrednom pogodbom radi oblikovanja građevinske parcele (Lokmić Enisa);**
6. **Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“ po zahtjevu „Alu Wood Inžinjering“ d.o.o. Maglaj;**
7. **Prijedlog Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini;**
8. **Prijedlog Odluke o utvrđivanju vrijednosti boda komunalne naknade za 2022.godinu;**
9. **Prijedlog Odluke o izmjeni i dopuni Odluke o upravljanju izgrađenim objektom dijela primarne vodovodne mreže za dio naselja Misurići, Općina Maglaj;**
10. **Prijedlog Odluke o izmjeni i dopuni Odluke o upravljanju izgrađenim objektom Prve faze primarne vodovodne mreže Poslovne zone Misurići, Općina Maglaj;**
11. **Prijedlog Odluke o izmjeni i dopuni Odluke o davanju na upravljanje KJD-u izgrađene vodovodne mreže Poljice;**
12. **Prijedlog Odluke o davanju saglasnosti za imenovanje direktora JP Veterinarska stanica doo Maglaj;**
13. **Usvajanje Metodologije MZ-a;**
14. **Godišnji plan potencijalnih JPP projekata za 2022.godinu;**

- 15. Srednjoročni plan potencijalnih JPP projekata za 2022-2024.godina;**
- 16. Informacija o realizaciji i spisak korisnika sredstava Budžeta Općine Maglaj za period 2011 – 2020.godina po programu Start-up podrške zapošljavanju mladih i nezaposlenih;**
- 17. Informacija o stanju poljoprivrede na području općine Maglaj;**
- 18. Informacija o stipendiranju studenata sa teritorije općine Maglaj za školsku 2020/2021 godinu;**
- 19. Informacija o radu JU Centar za djecu i odrasle sa posebnim potrebama ZDK za 2020.godinu.**

Nakon čega slijede vijećnička pitanja i inicijative. Ko je za ovakav Dnevni red? Protiv ? Uzdržan ? Jednoglasno.

AD 1.a) Prijedlog Budžeta/Proračuna Općine Maglaj za fiskalnu 2022.godinu;

b) Prijedlog Odluke o izvršavanju Budžeta/Proračuna Općine Maglaj za fiskalnu 2022.godinu;

Predsjedavajuća Svjetlana Zamboni-Radovanović, prelazimo na prvu tačku Dnevnog reda.

Dakle Prijedlog Budžeta/Proračuna Općine Maglaj za fiskalnu 2022.godinu; te predlažem da obrađivač odmah iznese i svoju uvodnu riječ po pitanju Prijedloga Odluke o izvršavanju Budžeta/Proračuna Općine Maglaj za fiskalnu 2022.godinu, a vas vijećnike molim da u svom izlaganju naglasite da li diskutujete i pod a. i pod b. ili samo o jednom segmentu ove tačke dnevnog reda. Izvolite.

Dženana Hadžiedhemović (uvodničar), prije svega iskoristit ću priliku da vas sve srdačno pozdravim i poselamim. Evo ovako, znači, prva tačka je Prijedlog Budžeta koji ste dobili u materijalima. Vidjeli ste iz samog, ukoliko ste poredili sa Nacrtom, Prijedlog Budžeta je veći za otprilike 162.000,00 i u prihodovnom i u rashodovnom dijelu. Ponovno, Općina Maglaj iz tekućeg suficita će finansirati dio, ovaj značajan dio kapitalnih ulaganja za koji se planiraju izvršiti u toku 2022.godine. Što se tiče sastavljanja prijedloga Budžeta takođe imali smo javnu raspravu koja je bila otvorena 10 dana, zatvorena je zaključno sa održavanjem javne rasprave 10.12. u 16 h je zatvorena javna rasprava. Desili su se takođe...bili su i neki prijedlozi koji su pristigli 16.12.u Službu za privredu putem maila, ali naravno oni su došli izvan roka. Tada je već materijal bio dobrim dijelom završen. Svi oni prijedlozi koji su pristigli pisanim putem uobzireni su u Prijedlog Budžeta za 2022.godinu u mjeri u kojoj je to bilo moguće spram projekcija prihoda koji se očekuju za narednu godinu i onoga što je... resorne službe kakve imaju projekcije u skladu sa svojim nadležnostima. Ono što ja želim istaći zaista što su zvanični podaci na nivou BiH jeste da je Uprava za indirektno oporezivanje, iako nam je ta 2019.godina bila rekordna godina od formiranja Uprave za indirektno oporezivanje, 2022.godina, pardon 2021.godina iako smo očekivali možda slabiju godinu, međutim prihodi koji se prikupljaju putem jedinstvenog računa Uprave za indirektno oporezivanje bilježe rekordnu uplatu. Tako da je u odnosu na rekordnu 2019.godinu prihodi u toku 2022.godine..2021.godine pardon su iznose, viši su za 104.860.767,00 KM. Dok u odnosu kada je poredimo sa 2020.godinom koja opet napominjem nije relevantna obzirom na cijelu situaciju sa Covidom, ograničene... mjere, potom zabrana obavljanja, privremenu zabrana obavljanja pojedinih djelatnosti u tom slučaju u toku 2021.godine na račun Uprave za indirektno oporezivanje prikupljeno je više za 660.315.234,00 KM. Naravno ovo govorim o bruto naplatama, te naplate kao što je već svima dobro poznato iz tih prihoda se finansiraju, je li koji se prikupljaju na jedinstveni račun finansira se prije svega državni dug, potom se raspodjela vrši na institucije države, federacije te se dalje raspoređuje na federalni nivo, nivo RS-a i Brčko Distrikta koji se dalje onda prema koeficijentu učešća raspoređuje općinama direktno sa nivoa federacije. Još jedna činjenica je što takođe želim istaći jeste da je u federaciji vanjski dug iznosi 318.000.000,00 toliko je isplaćeno u toku 2021.godine znači od ukupne mase sredstava koja je ostvarena 318.000,00 je finansiran je dug federacije. Što se tiče RS po osnovu vanjskog duga je finansirano 149.000.000,00

dok je kod Brčko Distrikta naravno iznos je manji 5.000.000,00. Ovdje govorim znači samo o vanjskom dugu ne o unutrašnjem dugu kod domaćih banaka. Što se tiče samog materijala vidjeli ste tamo izmjene, ja bih ono što želim naglasiti jeste jednu pozitivnu promjenu gdje imamo recimo prema zvaničnim podacima Porezne uprave ispostava Maglaj da Općina Maglaj evo poredili smo period od 31.3. bilježi konstatan broj novozaposlenih lica tako da 31.3.2021.godine taj broj je iznosio 5187, 30.06. 5403, 30.09. 5624 i posljedni podatak sa kojima raspolažemo je 31.10. i on iznosi 5675 uposlenih lica što je dakako pohvalno za našu općinu, samim tim i projekcije prihoda po osnovu nesamostalne djelatnosti za narednu godinu koje se planiraju su veće. Što se tiče prihoda koji su ostvareni do momenta dostavljanja prijedloga vršene su određene korekcije i na приходima od indirektnih poreza bez promjene na prihodu od PDV-a, obzirom da je to zvanični podatak Ministarstva finansija, federalnog, ali i kantonalnog tako da tu ne smijemo vršiti nikakve izmjene bez obzira na naše projekcije prema ostvarenju međutim vršene su korekcije na drugim stavkama koje su..predstavljaju prihode, direktne prihode Općine Maglaj. U rashodovnom dijelu takođe je došlo do izmjena na određenim stavkama koje možete vidjeti u poređenju sa materijalima, naravno ja stojim tu za sva vaša pitanja da sad ne bih išla poziciju po poziciju gdje je i došlo do promjene tu sam da odgovorim na sva vaša pitanja ukoliko bude nekoga zanimalo zašto je na određenoj poziciji nešto. Ono što moram da kažem jeste da kod formiranja prijedloga na prijedlog Načelnika općine a poslije se ispostavilo da je to u pristiglim prijedlozima bio prijedlog i DF-a da su ponovo uvršteni fasade koje smo nekada imali, sufinansiranje zamjene azbestnih krovova i fasada tako da je to stavka koja je uvrštena u plan za 2022.godinu, potom na inicijativu Načelnika na civilnim udruženjima je uvećan iznos, gdje se planira i udruženje Snaga žene. Potom imamo još jednu značajnu stavku koja je bila prijedlog vijećnika Senada Šehića jeste da se na postojećoj poziciji kulture koja se odnosi na transfere prema pojedincima uvede i sufinansiranje ili finansiranje lica za određene edukacije gdje će ta lica raditi na promociji Općine Maglaj. Ovo je svakako prijedlog koji prati strategiju Općine Maglaj koju je Općinsko vijeće usvojilo. Takođe izmjene koje su se desile u Prijedlogu Budžeta to je ja mislim i šefica resorne Službe... desile su se kod Službe za boračka pitanja tamo došlo je do određenih transfera sa kantona gdje šefica je dobila instrukcije od kantonalnog ministarstva da će biti neki transferi. Pojedini transferi su skinuti jer oni direktno će se finansirati sa kantona na krajnje korisnike a uvode se neki novi transferi koji će ići krajnjim korisnicima, se raspoređivati putem Budžeta Općine Maglaj. To bi bilo to što se tiče Budžeta ukoliko neko ima neko pitanje ja sam tu da odgovorim. Takođe ja bih vam se unaprijed zahvalila ako ima neka bilo da je računaska greška, bilo da je...ovaj da slobodno kažete, ovaj tako da zajedno..tu smo svi da zajedno napravimo što kvalitetniji materijal.

Predsjedavajuća Svjetlana Zamboni-Radovanović, hvala Vam Dženana.

Dženana Hadžiedhemović (uvodničar), takođe što se tiče, pardon što se tiče odluke odnosno tačke b. je li odluka je takva, predložena je onakva kakva ne remeti ovaj izvršavanje Budžeta, odgovara potrebama Budžeta tako da eto sve što bude ja sam tu.

Predsjedavajuća Svjetlana Zamboni-Radovanović, hvala. Otvaram raspravu. Izvolite.

Vijećnik Jasmin Begić, ja vas sve selamim i pozdravljam. Želim nam ugodan rad. Samo shodno proširenju Dnevnog reda za ovu sjednicu ja ću zatražiti pauzu da se Klub SDA konsultuje vezano za ovu tačku Dnevnog reda.

Predsjedavajuća Svjetlana Zamboni-Radovanović, za Budžet?

Vijećnik Jasmin Begić, za Budžet ćemo poslije.

Predsjedavajuća Svjetlana Zamboni-Radovanović, ali zašto sada o Budžetu ne raspravljamo a to uzmite....

Vijećnik Jasmin Begić, pauzu sam zatražio Ceco.

Predsjedavajuća Svjetlana Zamboni-Radovanović, pa pitala sam rekli ste da nema potrebe.

Vijećnik Jasmin Begić, zato što je bilo, poslije sam dobio materijal.

Predsjedavajuća Svjetlana Zamboni-Radovanović, na zahtjev... naravno to je vaše pravo da koristite pauzu, ali ne vidim zašto na Budžetu uzimate za treću tačku Dnevnog reda, ne razumijem eto jednostavno. Pauza. Nastavljamo s raspravom o Budžetu za 2022.godinu. Izvolite.

Vijećnik Eldin Pehrat, sve vas srdačno selamim i pozdravljam. Evo želim nam svima danas efikasan i uspješan rad. Dakle što se tiče prve tačke Dnevnog reda Prijedlog Budžeta Općine Maglaj za 2022.godinu mi u Klubu vijećnika SDA smatramo da neprihvatanje naših prijedloga s jedne strane možemo shvatiti kao politički rivalitet, ali smatramo isto tako da ste trebali pokazati malo više empatije kada je u pitanju Javna kuhinja u Maglaju, te da ste trebali uvažiti njihov zahtjev koji je dostavljen i Službi i nama u Klubu vijećnika SDA, pa evo ja ću pročitati ono što smo mi dobili. Dakle citiram:“ Poštovani, uvidom u Nacrt Budžeta Općine Maglaj za 2022.godinu upoznati smo sa planom finansiranja odnosno sufinansiranja rada Javne kuhinje koja kao što već znate dugi niz godina uspješno radi pri regionalnom odboru Merhamet Maglaj. Za predstojeću 2022.godinu ponovo smo planirani sa 20.000,00 KM, a do današnjeg dana uplaćeno je samo 12.000,00 KM. Planirana sredstva su nedovoljna za sufinansiranje rada kuhinje. Za vašu informaciju dana 16.11.2021.godine održali smo radni sastanak sa direktoricom Centra za socijalni rad i socijalnim radnicima ove ustanove o broju i socijalnom statusu korisnika kuhinje gdje je konstatovano da se svi korisnici nalaze u stanju socijalne potrebe, te da je zbog starosti i bolesti svima potreban topli obrok koji takođe dostavljamo i na teren korisnicima koji primaju stalnu novčanu pomoć u iznosu od 139,00 KM. Takođe upoznali su nas sa novim pooštrenim pravilima kod procjene invalidnosti gdje će se u narednom periodu sve teže dolaziti do ostvarivanja prava za stalnu novčanu pomoć. Uočenim stanjem na terenu imamo sve više osoba koje se nalaze u teškoj životnoj situaciji bolesnih koji imaju potrebu za obrokom a sve iz razloga poskupljenja osnovnih životnih namirnica kao što su ulje, riža, brašno, šećer itd. Molimo vas da ispravite nepravednu Odluku o smanjenju Budžeta prema našoj organizaciji koja postoji od 1913.godine, koja želi da pomogne samo onima kojima je pomoć potrebna, te da vratite iznos od 40.000,00 KM. Trenutna sredstva su nedovoljna za rad i na kraju krajeva ovo su građani općine Maglaj koji svakodnevno dolaze po topli obrok, a žalosno je što većina privrednih subjekata koji pomažu rad kuhinje dolaze iz drugih općina kao što su Tešanj, Doboj Jug, Gradačac itd. Predlažemo da sa podkategorije 491 analitički dio 615 118 rekonstrukcija, sanacija, održavanje i izgradnja infrastrukturnih objekata, sufinansiranje projekata umanju iznos za 20.000,00 KM u korist Javne kuhinje uz obrazloženje da se nadležne općinske službe više angažuju na apliciranju na javni poziv kod Federalnog ministarstva raseljenih osoba i izbjeglica koje svake godine raspisuju poziv za izgradnju objekata, putne i komunalne infrastrukture itd. S poštovanjem, direktorica Sanela Omerović“. Dakle kao što sam rekao mi u Klubu vijećnika SDA se u potpunosti slažemo sa ovim prijedlogom i sami smo tražili na predhodnoj sjednici povećanje ove stavke. Ipak se ovdje radi o našim sugrađanima koji su u prekoj potrebi. Hvala.

Predsjedavajuća Svjetlana Zamboni-Radovanović, hvala lijepo. Gospodin Ferić.

Vijećnik Hajrudin Ferić, ja vas srdačno sve pozdravljam i evo želim danas uspješan rad u jednoj mirnoj i konstruktivnoj atmosferi i da zaista u jednom razumnom roku i završimo ovu sjednicu kako bi jel mogli i da čestitamo jedni drugima praznike. Ja želim reći, pročitati nekoliko rečenica koje se tiču dakle i tačke a. i tačke b. i naravno da neću izlaziti više diskutovati o tome osim naravno ako bude bilo potrebe za replikom. Dakle, želim na početku reći da za Budžet za 2022.godinu kao i Odluku o izvršavanju Budžeta povrijeđeni su članovi 119. i 120. Poslovnika o radu koji govore o toku javne rasprave, obrazloženjima o prijedlozima. Mi imamo u Poslovniku i obavezu da se podnosi dakle uz određeni prijedlog akta konkretno o Budžetu i ovoj Odluci i izvještaj o provedenoj raspravi i naravno da se navedu svi prijedlozi koji su pristigli tokom javne rasprave i razlozi zbog kojih je određeni prijedlog odbijen, odnosno prihvaćen. Mislim da smo imali ovo uz materijal dakle jedan taj pregled svih prijedloga i svih prihvaćenih i neprihvaćenih prijedloga i sugestija možda bi i drugačije diskusije bile, ali u svakom slučaju mislim da u budućnosti i svakako ovaj dio Poslovnika treba da se poštuje. Ne samo kada je u pitanju Budžet nego kad su u pitanju i ostale odluke. Ono takođe što želim da naglasim je činjenica da je Prijedlog Budžeta takav kakav jeste, sa svojim i slabim i dobrim stranama. Naravno da ne može se ovaj bojiti niti crnim niti šarenim bojama. U svakom slučaju on je vjerovatno u ovom trenutku realan i svako može biti i zadovoljan i nezadovoljan. Mi u DF-u samo ističemo dakle nezadovoljstvo činjenicom da je Centru za socijalni rad umanjeno iznos za finansiranje u 2022.godini upravo u

onim trenucima i vremenima kada je jednoj takvoj ustanovi potrebno povećanje sredstava zbog poslova i nadležnosti koje su im stavljene na obavezu što po nuždi života, što po sili zakona. Godinama iz ove ustanove mole da se osiguraju uslovi za kadrovsko popunjavanje socijalnog radnika i psihologa i u ovih četiri godine činjenica je da skoro svim drugim javnim ustanovama je činjeno i učinjeno uglavnom se izlazilo u susret ovakvim i sličnim zahtjevima dok evo Centru ne. Ja koliko znam oni rade sve poslove i sa 8 zaposlenih i to 2 socijalna radnika od kojih jedan ide uskoro u penziju, možda je i otišao i 2 pravnika, a godišnje imaju po nekoliko hiljada predmeta. Tu su obaveze i po novim zakonima o porodici, hraniteljstvu, o zaštiti od nasilja itd.itd. da ne nabrajamo. Mi imamo mladi stručan kadar, koji je prošao sve edukacije i upravo iz tih razloga mi smo predložili da se povećaju sredstva za Centar za socijalni rad. To nije prihvaćeno i to je jedan od razloga što moram ovdje zbog vas vijećnika, ali i javnosti reći da mi nismo to ste možda i primjetili dio koalicione većine, ne svojom voljom. O razlozima nije vrijeme sad da se razgovara i sigurno će biti vremena o čemu ćemo mi javnost informisati. Što se tiče Odluke o izvršavanju Budžeta svojim konačnim rješenjima ostala je na nivou istih od ranije, dakle svojim kvalitetom ista je kao i prije a mi smo se zalagali da se učini korak više u cilju transparentnosti, efikasnosti i integriteta. Postavit ću samo pitanje zašto se na Vijeću dostavljaju programi javnih investicija, programi rekonstrukcije i izgradnje infrastrukturnih objekata i puteva ako to u Odluci o izvršavanju Budžeta nije nadležnost Vijeća. Zašto nije odlukom utvrđen način izvršenja kapitalnih transfera kako je to Ured za reviziju rekao. Zašto nema odredbi o obavezi uspostavljanja registra budžetskih korisnika i njegovoj objavi na web stranici. Isto tako obaveza je da svaki prijedlog odluke prema članu 42. Zakona o budžetima, obavezno sadrži i finansijsku procjenu donošenja te Odluke na Budžet što je trebalo i kroz ovu Odluku precizirati i obavezati sve predlagače, a evo mi i danas imamo odluka koje na dnevnom redu su, a nemaju ovakvih procjena. Za kraj smatram da smo danas trebali na dnevnom redu imati informaciju i analizu preporuka iz Izvještaja o finansijskoj reviziji Općine Maglaj za 2020.godinu jer nam je to potrebno i zbog toga što je planirano u Programu rada Općinskog vijeća Maglaj u trećem kvartalu, a i za to što bi dosta pomogla u poboljšanju teksta Odluke o izvršavanju Budžeta, ali i drugih akata koji nam slijede za donošenje. Hvala.

Predsjedavajuća Svjetlana Zamboni-Radovanović, hvala lijepo. Da li ima još vijećnika koji će učestvovati. Samo malo Dženana dok vijećnici završe pa ćete Vi obrazložiti. Izvolite gospodine Jašić.

Vijećnik Safet Jašić, selamim i pozdravljam sve prisutne i ja se isto nadam kao i predhodnik da će ova sjednica ići u ovako mirnom i dobrom toku te da ćemo u jednom optimalnom vremenu završiti. Ja ću govoriti malo samo, malo o onome što sam na predhodnoj sjednici govorio kada je bio u pitanju Nacrt Budžeta. Možda ne bi bilo ni potrebe da govorim, ali vidim da su neke stavke udovoljavano je nekim prijedlozima. Ono što sam ja, odnosno Klub SDA iznio nije niti jedna stavka ispoštovana. Evo ja ću reći otprilike ispred Kluba šta je to što ima, koje imamo primjedbe i čak sadrži i neke prijedloge. Iako je Klub vijećnika SDA kod Nacrta Budžeta/Proračuna Općine Maglaj za fiskalnu 2022.godinu iznio niz konstruktivnih prijedloga, iz prijedloga Budžeta koji nam je dostavljen vidljivo je da ništa što smo predložili nije uvaženo. Izuzev što je povećan iznos za demografski razvoj, ali je i tu dodato sufinansiranje vantjelesne oplodnje tako da se može reći da ni tu nije bilo stvarnog povećanja. Pošto je to tako iskoristi ćemo ovu priliku i ponovo skrenuti pažnju predstavnicima službe, ali i građanima da se i primjedbe na Prijedlog Budžeta mogu uvrstiti u konačan dokument te ponovo predlažem analitički dio 613 724 tekuće održavanje, rekonstrukcija lokalnih i nekategorisanih puteva i gradskih ulica koje je planirano u iznosu od 425.000,00 KM povećati na 500.000,00 KM jer su većina lokalnih, ja sam imao i vijećničko pitanje po ovom pitanju kada je lokalni put Šeher-Kopice u pitanju da to je u katastrofalnom stanju. Većina lokalnih nekategorisanih cesta i gradskih ulica u jako lošem stanju i hitno im je potrebna sanacija. Analitički dio 614117 tekući transferi MZ-a i to je bio naš prijedlog odnosno na protekloj sjednici za redovan rad MZ-a planiran je iznos od 32.000,00 KM povećati na 60.000,00 KM kako bi se stimulisao rad vijeća MZ-a. Analitički dio 1091 pod kategorija 55 poticaj demografskom razvoju povećati maksimalno moguće, jer smo svakodnevno svjedoci kroz sredstva informiranja kako

pojedine lokalne samouprave pružaju podršku nezaposlenim porodicama i novorođenoj djeci i to na duži period ne samo jednokratno. Klasifikacija 1091 analitički dio 119 sufinansiranje rada javne kuhinje je kolega prije mene iznio i rekao je znači suma je bila 20.000,00 da se poveća na 40.000,00. Imali smo primjedbi i kad je u pitanju Centar za socijalni rad pa evo gospodin Fermić je iznio ja nemam onda potrebe da govorim da se ponavljamo. Znači, slične su primjedbe bile i naše. Vjerujemo da će služba pronaći sa kojih stavki se mogu skinuti određeni iznosi i prebaciti na predložene stavke Kluba SDA. Hvala.

Predsjedavajuća Svjetlana Zamboni-Radovanović, hvala lijepo. Vijećnici prvo. Izvolite gospodin Begić

Vijećnik Jasmin Begić, ja ću samo kratko zamoliti predlagača Budžeta, jer vidim da će izlaziti da nam decidno radi građana, radi javnosti izdvoji koja su to kapitalna ulaganja shodno ovom Budžetu.

Predsjedavajuća Svjetlana Zamboni-Radovanović, koliko ja vidim vijećnika više nema prijavljenih za diskusiju. Direktorica Centra za socijalni rad, a onda Dženana molim vas da vi napravite osvrt na ova izlaganja.

Aida Hadžić, dobar dan prisutnim. Ja bih samo kratko da vas obavijestim o informaciji koju smo mi dobili u petak. Kasno jeste ali evo o Budžetu ne bih nešto posebno. Mi smo svoje prijedloge iznosili na javnoj raspravi. Takav je kakav je, meni je samo žao što nisam za ove četiri godine dok sam bila direktorica uspjela malo popraviti sliku koja je inače u javnosti ne znam zašto je takva kakva jeste da se u Centru baš i ne radi puno. Nekad sam imalo ovako primjedbe da ne znam možda prezentovati rad dobro onako kako jeste, ali zaista sve su to teške životne priče o kojima se baš i ne smije pričati otvoreno. Onaj koga interesuje može uvijek doći u Centar dobit sve informacije, a mislim da su izvještaji poprilično kvalitetno urađeni tako da onog koga interesuje zaista šta se u Centru radi može i znati. O projektima sam prošli put govorila znači za ove četiri godine preko 100.000 projekata smo uradili, donijeli znači u našu općinu, pomogli našim građanima onoliko koliko smo mogli. Što se tiče novog zakona to je zakon o roditeljima/njegovateljima nešto malo smo uspjeli reći nedavno na maglajskoj televiziji znači, nismo znali za tu obavezu da će se doprinosi isplaćivati preko Centra. Ukoliko ne znate to su prava koja osiguravaju roditeljima koji su čitav dan obavezni da budu sa svojom djecom koja su 100 % invalidi. Ne mogu znači zbog toga da rade, ne ostvaruju nikakva druga primanja imat će mjesečna primanja i uz to će biti kao osigurani, odnosno plaćat će im se doprinosi na osnovu čega će onda oni imati pravo da ostvare penziju nakon određenog vremenskog perioda onako kako po zakonu se kod nas stiče pravo na penziju. Da je zakon dobar baš 100 % i nije ima dosta primjedbi, ima dosta nesuglasica, ali vjerovatno ako i svi naši zakoni vremenom će se mijenjati. Mi smo spremni što se tiče tog posla. Samo nismo znali da će se doprinosi isplaćivati preko Centra a znate kako se doprinosi isplaćuju da je to velik broj vrsta koje zahtjevaju znači sve dodatne uplatnice. To je povećanje troškova bankarske provizije ja mislim da će to najmanje 1000 do 2000 povećati naše troškove a mi to nismo znali. Ovom prilikom ja sam predložila sad ne znam da li je potrebno da vama objašnjavam, upoznat ćemo finansije znači da se samo izvrši preraspodjela, jer je u Budžetu predviđeno za povećanje stalne novčane pomoći nešto malo više nego što zaista treba pa samo te 2.000,00 da se prebace sa stalne novčane pomoći na cifru materijalnih troškova kako bi mogli ispoštovati troškove koji će se javiti. Eto hvala.

Predsjedavajuća Svjetlana Zamboni-Radovanović, hvala lijepo. Dženana mogu li sada vas zamoliti da se osvrnete na diskusije.

Dženana Hadžiedhemović, eh ovako. Ja sad ne znam da li ću ići redosljedom. Ja sam onako sebi pisala pa se izvinjavam ako ne bude poštovala da idemo redom. Evo ovako, ja u samom svom izlaganju nisam htjela da kažem o kome se radi čiji prijedlozi i primjedbe na Nacrt Budžeta su došli izvan roka, međutim eto u ovom momentu nakon vijećničkih izlazaka prinuđena sam to da kažem, jeste SDA jeste dostavila prijedloge i primjedbe na Nacrt Budžeta sa zvaničnim aktom na kojem stoji datum 13.12. a isti je zaprimljen putem mail adrese privreda Općina Maglaj 16.12. u 13,30h. Svima je dobro poznato na kraju krajeva ovo vijeće je usvojilo da je termin održavanja javne rasprave se završava sa 10.12. zato mislim, zaista mi je žao što se za ovom govornicom kaže

to je politički neki rivalitet i evo sad međutim vi imate pravo svi vi vijećnici i svi gosti koji prisustvujete sjednici imate pravo da znate evo istinu. Jeste zaprimljen akt na 13.12. pristigao na mail adresu 16.12. u 13,30h a ne zaboravite da je javna rasprava zatvorena 10.12. u 16h. Eh ovako. Ponovo je se pomenulo raspravljanje o Revizorskom izvještaju Općine Maglaj za 2020.godinu, ja takođe moram ponoviti istu priču mada dođe da se malo ponavljam, ali tako je. Još uvijek proces revizije nije okončan, još uvijek Općina Maglaj nije išla na izjašnjenje pred parlamentarcima u Sarajevo tako da još uvijek ne možemo ništa reći o finansijskoj reviziji Općine Maglaj koja je izvršena za 2020.godinu, jer još uvijek ne znamo kakav će biti konačan izhod po ovoj reviziji. Obzirom da se radi, mislim ja sam i prošli put rekla da ja zaista ne bih ovo Vijeće, da trošim vaše vrijeme da kažem da su općine dobile neke instrukcije od nadležnog Federalnog ministarstva finansija koje je poslije revizija recimo osporavala iako su one zvanične tako da ima tu nekih nesuglasica, ali vidjet ćemo kako će se sam proces revizije okončati, a naravno da će vijeće raspravljati o revizorskom izvještaju, to je svakako kako se ja sjećam bio i prijedlog samog načelnika da se uvrsti u program rada Općinskog vijeća. Evo ovako idemo dalje. Vijećnik Jašić povećanje na poziciji lokalnih puteva ja ovdje moram da skrenem pažnju da se finansiranje javnih puteva pozicija 614724 i pardon pozicija 613724 i 613726 tekuće održavanje javne rasvjete finansiraju iz vlastitih sredstava Općine Maglaj i namjenski doznačenih sredstava odnosno sredstava koje Općina Maglaj prikuplja po osnovu prihoda od cestarina. Tako da projekcije koje imamo od kantona uz mogućnost naravno vlastitih finansiranja uz Općinu Maglaj ne mogu mijenjati iznos odnosno ovaj iznos nije moguće povećavati jer općina nema dodatna sredstva po tom osnovu. Ovako, vijećnik tako Jašić je pomenuo natalitet, općina je povećala poziciju nataliteta za narednu godinu na 45.000,00 u prijedlogu. To su naše projekcije prema zahtjevima i na bazi ostvarenja za 2021.godinu do momenta formiranja prijedloga. Da li će to biti malo ili će biti dovoljno, to mi ne znamo i niko od nas ne može to reći za narednu godinu, vidjet ćemo ali svakako načelnik u ranijem sve do ovog momenta nije....pokazao je razumjevanje prema ovoj kategoriji i nikad nije bilo upitno niti natalitet a evo vidimo već drugu godinu za redom imamo vantjelesnu oplodnju što ima rijetko koja općina. Što je svakako pohvalno. Što se tiče Javne ustanove Centar za socijalni rad, ja zaista 07.12.2021.godine u prostorijama općine zajedno sa šeficom resorne službe Eldinom prisustvovala su direktorica Aida i uposlenica Jasmina ispred Centra koje su dale projekcije za Centar za socijalni rad. Pa su tako rekly da materijalni troškovi se umanje na iznos 21.500,00, da se poveća na prijevozu na 2.200,00 tako da su te projekcije u prijedlogu u konačnom iznosu koji imate urađene prema tom sastanku i onom što je rečeno na tom sastanku. Ovo što je trenutno direktorica rekla ovaj ja se takođe slažem vidjet ćemo ako je to naša obaveza naći ćemo....ja sam konsultovala sam se sa načelnikom, načelnik je dao prijedlog da taj iznos koji se odnosi na, direktorica je ovdje istakla na proviziju, ja samo nisam zapisala u kom iznosu. Načelnik je saglasan da se taj iznos, da se umanja pozicija usluge reprezentacije a da se za taj iznos poveća na transferu Centar za socijalni rad. Radi se znači o tekućim transferima ne diramo kapitalna tako da u tom neće doći do promjene unutar Budžeta, mislim neće biti do značajne, ostajemo na istom, Budžet će biti zatvoren i na razhodovnoj strani, neće doći do većih izmjena. Šta sam još zapisala? Evo ovako, vijećnik Begić je pomenuo kapitalni izdaci je li i kapitalni projekti su urađeni prema apliciranim projektima koje Općina Maglaj aplicirala prema višim nivoima vlasti i prema kapitalnom planu kapitalnim ulaganja koje će vijeće naknadno raspravljati. To su samo planovi. Da li će se oni ostvariti, da li neće, kako će se ostvariti u kojoj mjeri, to niko od znas ne može reći. Vidite da recimo Prijedlog Budžeta ZDK još uvijek nije usvojen, federacija tako da...to su sve neke stvari koje ne zavise samo od Općine Maglaj. Realizacija vidjet ćete ja se nadam da do usvajanja Plana kapitalnih ulaganja ćemo imat zvanične informacije sa viših nivoa vlasti šta je to moguće, šta će se finansirati, šta će se doznačiti itd. Ja mislim da sam odgovorila ali ako sam ostala slučajno da ne odgovorim na neko pitanje, molim vas kažite tu sam.

Predsjedavajuća Svjetlana Zamboni-Radovanović, rasprava gospodina Fermića, ima vam i repliku..

Dženana Hadžiedhemović, aha dobro. Što se tiče javne rasprave jeste ja nisam ovdje iznosila prijedloge ukoliko Vijeće smatra, mislim ja sam smatrala da ne trebam da trošim vaše vrijeme, ali

u svakom... ja sam tu da pročitam i sve prijedloge koji su pristigli i tekstualno ili da taksativno da vam se nabroje, nikakav nije to problem ukoliko vijeće, mislim donesete zaključak ja sam spremna to učiniti.

Predsjedavajuća Svjetlana Zamboni-Radovanović, za repliku se javio vijećnik Fermić.

Vijećnik Hajrudin Fermić(replika), ma replika zapravo evo i ova posljednja rečenica gospođe Grahić- Hadžiedhemović koja kaže jel ako Vijeće smatra ja ću to...ne to je obaveza poslovnička obaveza da to uradite. Dakle mislim da to treba da se poštuje i da je to Ustav, zakon kako god hoćete i ne može bit hoćemo li ili nećemo, jedna stvar , druga pomenuli ste da taj izvještaj jel Ureda za reviziju, izjašnjenje još odnosno taj proces nije završen. Ja bih ovdje samo htio da napomenem iako je to predsjedavajuća čini mi se ili ste vi rekli u svom odgovoru da smo mi na ako se ne varam drugoj sjednici Općinskog vijeća ove godine kad smo usvajali Program rada Općinskog vijeća za 2021.godinu imali zahtjev/dopis Centra civilnih inicijativa da ovu tačku razmatranje izvještaja Ureda za reviziju finansijskog izvještaja Općine Maglaj za 2020.godinu stavimo na dnevni red, tada je predsjedavajuća citiram rekla:“načelnik insisitira da se u trećem kvartalu taj izvještaj razmatra“. Da napomenem dakle zašto je replika, 01.10.ovaj konačni izvještaj Ureda za reviziju je objavljen javno na web stranici a i prije toga vjerovatno ste ga vi dobili. Imali ste i Nacrt na koji ste se izjašnjavali. Dakle ovo je konačni izvještaj od 01.10. Ovo što imate Vi izjašnjenja i eventualno neka interesorna radna grupa gore u Parlamentu Federacije koja će raspravljati. To nema veze s ovim. Ovo je konačni izvještaj, ali nije poenta u cijeloj toj priči da li je taj izvještaj završen u svom procesu gore ili nije, nego je poenta u tome da smo mi kao Općinsko vijeće trebali biti informisani, trebali smo čuti od administracije kakav je to plan otklonjanja ovih nedostataka koji su utvrđeni u tom izvještaju i naravno kakvo je Vaše mišljenje po onome što smatrate da nije i da ovdje mi na Općinskom vijeću budemo prije svega informisani upoznati da raspravljamo, razgovaramo o tome u cilju poboljšanja, u cilju povećanja transparentnosti dakle našeg grada i rada administracije. U tom pogledu ja sam iznio ovo da smo na neki način prekršili Program rada Općinskog vijeća jer nećemo imati u ovoj godini, a sasvim sigurno podsjetit ću još nešto, na još jednu činjenicu 2010.godine kada je objavljen konačni izvještaj Ureda za reviziju Općine Maglaj za 2009.godinu ovdje imamo tri aktivna živa svjedoka, vijećnika. Tada su bili vijećnici gospodin načelnik, gospodin Jašić i gospodin Arif Mujkanović bili su u tom sazivu tadašnjeg Općinskog vijeća i znaju kako je to tada bilo i znaju kakva je politička atmosfera tada stvorena od strane opozicije i znaju kako je to tada bilo raspravljano na Vijeću i ono što je najžalosnije tada je bilo manje preporuka nego danas. U ovom nalazu Ureda za reviziju za 2020.godinu u mnogim stvarima su utvrđene činjenice da ništa nije urađeno od 2010. pa do dana današnjeg. Eto iz tih razloga smo trebali malo da to i proanaliziramo i da damo jednu injekciju da se ubrzano radi na poboljšanju.

Predsjedavajuća Svjetlana Zamboni-Radovanović, hvala. Vijećnik Begić prvo. Replicirate kome? Šefici resorne Službe.

Vijećnik Jasmin Begić (replika), ne znam šta je, stalno se mijenja. Evo ovako, ja vas još jednom selamim i pozdravljam. Iz ovog Budžeta prvo nisam dobio konkretan odgovor, nisam ga ni očekivao od šefa Službe zato što općinska administracija nema uopše kapitalne projekte koji su vezani za privredu i bolji život građana u Maglaju. Jednostavno Budžet je potrošačko-socijalnog karaktera. Svi ste dobro vidjeli da su najveća izdvajanja iz Budžeta vezana za socijalne kategorije i plate uposlenika. Gospodo draga, evo šest godina ste već na vlasti. Samo trošite ono što vam dođe na račun. Nema razvoja, nema apsolutno ništa. Kapitalni transferi ako ste gledali ovdje se svode na 940.000,00 pa to jedna mini investicija za neku firmu ili bilo šta drugo. Civilna zaštita u 2020.godini 107.800,00 KM realizovano 8528,00 KM isto je i u 2021.godini planirano 103.220,00 KM u prvih 6 mjeseci realizovano 988,00 KM. Ja mislim da se ovdje stvarno neko igra sa intelektom ovih ljudi koji sjede ovdje a samim tim bi predložio Civilna zaštita znamo koje službe spadaju pod civilnu zaštitu. Bili smo svjedoci svi i gledali smo kad su izašli naši vatrogasci čisto profesionalno i u skladu sa svojim mogućnostima i obavezama na teren da gase požar i kažu za RTV Maglaj 29.11. ja mislim došli i gledaju kako požar odnosi imovinu našeg građanina i kažu mi nemamo čime gasiti. Mi nemamo čime gasiti. Jeste li se ikada zapitali šta će sutra kada bude

zgrada gorila, nedo Allah. Ljudi Civilna zaštita opredjelite sredstva u ovom Budžetu za osposobljavanje vatrogasne jedinice u Maglaju. Ako ste u ovom Budžetu opredjelili 138.000,00 dobili ste prijedlog od građana gdje su decidno ljudi iz struke vatrogasne dali inpute kako da to riješite. U ovom Prijedlogu Budžeta vi to niste nigdje uvrstili. Molim vas, znači zbog građana Maglaj i svega predložite ova sredstva Civilne zaštite povećajte na barem 400.000,00 KM da se kupi jedno navalno vozilo, dobro ovi vatrogasci znaju o čemu ja govorim. Navalno vozilo i barem ta crijeva šta već da se može adekvatno ugaziti barem manji požar u ovoj godini, a sljedeću godinu da predvidite barem 500.000,00 KM da se uzme oprema našim vatrogascima. Još sam nešto sebi evidentirao. Volio bih znači ako sam u bilo čemu pogriješio da imaju neka kapitalna ulaganja ustvari kapitalni projekti konkretno u Maglaju da me demantuju i da kažu da nisam dobro pročitao.

Predsjedavajuća Svjetlana Zamboni-Radovanović, hvala lijepo. Izvolite Dženana Vi, pa vjerujem da će i načelnik nakon vas se obratiti Vijeću.

Dženana Hadžiedhemović, e ovako, ja prije svega, gospodin Fermić je li vijećnik Fermić je rekao da kada je obavljena revizija Općine Maglaj za 2009. godinu u toku 2010. godine gdje je Općinsko vijeće raspravljalo. Jeste raspravljalo, tada nije bilo izjašnjenje pred parlamentarcima. Tada znači 2010. godine niko iz Općine Maglaj nije išao, jer tada nije postojala parlamentarna komisija, odnosno komisija sastavljena od parlamentaraca i tada pred istom nije obavljano saslušanje. Danas to jeste i danas Općina Maglaj čeka zakazivanje. Ja ću vam navesti evo ovako mislim zaista ne želim da se odavdje stvori da Općina Maglaj nešto krije, da administracija bježi daleko od toga na kraju krajeva svi mi znamo da je, svima je opće poznato da je bila revizija. Izvještaj je objavljen, nema tu šta ali evo samo jednu činjenicu ću pomenuti. Zvaničnim aktom dobijenim od resornog Federalnog ministarstva tačnije Ministarstva finansija Općina Maglaj kao i sve druge općine je dobila uputu da obračun za komisije u kojima se nalaze uposlenici da se obračunavaju takozvani mali porezi i doprinosi, tako je zvanična došla instrukcija Federalnog ministarstva finansija koja nikada niti je stavljena van snage i gdje je ministarstvo i dalje kaže da ta instrukcija ostaje na snazi i da se primjenjuje takva kakva jeste. Međutim kada je revizija bila između ostalog tražile su se jedne komisije, bilo koja komisija slučajnim uzorkom odabirom revizorki gdje su one konstatovale između ostalog jedan član komisije je bio uposlenik, gdje su one konstatovale da nije trebalo obaručavati male doprinose nego pune poreze i doprinose kao da se radi o plaći. Mi smo njima dostavili akt, zvaničan akt Federalnog ministarstva finansija na kraju krajeva u čijem i oni spadaju pod čijom jeli ingerencijom, međutim njihov stav je bio ne, Ured za reviziju to osporava, nema veze što je to Ministarstvo finansija tako dostavilo akt svim općinama i da je to generalni problem kod svih općina, kod svih ministarstava na nivou cijele Federacije. Na kraju ja kad sam gledala pojedina izjašnjenja koja su bila recimo Federalno ministarstvo prostornog uređenja gdje je pomoćnik ministra konstatovao da već pet godina kad se obavlja revizija osporavaju im to, međutim Federalno ministarstvo finansija i dalje ne mijenja instrukciju. Tako da zbog tih stvari, još uvijek nije došao na red izvještaj o reviziji, jer mi ne znamo kako će se to gore završiti. Mislim mi možemo ovdje diskutovati, to nije sporno ali ne znamo kakvi će biti konačni zaključci gore iz Sarajeva, odnosno pred parlamentarnom komisijom. To je jedini i osnovni razlog zašto vijeće još uvijek nije raspravljalo o reviziji. Dalje ja bih samo vijećnik Begić je istakao da Prijedlog Budžeta odnosno da Budžet Općine Maglaj ne sadrži nikakve projekte da je to većinom socijalna davanja i plaće, pa ja bih samo rekla da kada uporedimo evo i sami ste rekli 940.000,00 tamo na kapitalnim izdacima pa onda nemojte zaboraviti poziciju 614724,726 tekuće održavanje javne rasvjete i tekuće održavanje lokalnih puteva jeli koji su blizu 500.000,00, potom nemojte zaboraviti kapitalne izdatke koji su cirka 650.000,00 tako da nije to baš tako maleno kako se čini.

Predsjedavajuća Svjetlana Zamboni-Radovanović, prvu repliku uputio je vijećnik Fermić, zatim Begić. Ne vidim ko se tamo javlja. Mujkanović se javlja za raspravu vjerujem ili repliku ne znam. Replika. Samo molim vas na koji dio izlaganja da se zna.

Vijećnik Hajrudin Fermić(replika), naravno ovaj opet pominjem dakle gospođa Grahička je pomenula ovo izjašnjenje pred parlamentarnom komisijom, ja zaista želim da me neko poduči da vidim u kojem to zakonu, kojem Poslovniku je obaveza nakon što se izvrši konačni taj objavi

konačni izvještaj da se u parlamentarnoj komisiji završava taj proces. Dakle proces je završen i bez obzira ponavljam to opet kako ga mi tumačili i smatrali jel on završen, čekamo pred parlamentarnom komisijom ili nije. Pred parlamentarnom komisijom mjesecima čekaju velike ove institucije federalne agencije, zavodi, ministarstva itd. Mjesecima, a kad će općine doći to nema veze sa onim što je ovaj konačni izvještaj zapravo uzrokovao, odnosno proizveo odnosno dao u zadatak lokalnoj zajednici prije svega općini i načelniku. Kakve veze ima parlamentarna komisija sa onim da mi trebamo imati interni pravilnik kako se koriste službena vozila i da ne nabrajam dalje. Ovdje opet ponavljam dakle nema ružne ni zadnje primisli da mi kroz informaciju koju smo trebali da imamo bilo koga streljamo, nema ni razloga ima samo potrebe da mi kroz raspravu o tom nalazu pokušamo da izvučemo nešto što je bolje, nešto što ćemo unaprijediti naš posao. U programu rada Općinskog vijeća stoji da smo ovo trebali da imamo kao informaciju, kao nalaz zaključno sa današnjim danom. Nismo imali, nismo čuli ni jednog razloga zašto nismo imali tu informaciju. Eto samo to sam pomenuo. Mislim i smatram da bi sigurno i ova Odluka o izvršenju Budžeta bila puno kvalitetnije urađena da smo imali ovu informaciju pred sobom prošlu sjednicu ili danas kao prvu tačku ili dio itd. Dakle, nemojte da govorimo o tom izjašnjavanju konačni izvještaj je završen i imamo nalaze i vi već radite. Pa mi imamo tačke dnevnog reda koje praktično realizujete po ovom konačnom izvještaju.

Predsjedavajuća Svjetlana Zamboni-Radovanović, hvala vam. Kad je Plan i program rada Općinskog vijeća u pitanju svaki put prilikom usvajanja istoga naglasimo da je okvirnog tipa-. Što se same revizije tiče ja evo i dalje stojim iza svojih riječi, u razgovorima mojim formalnim sa načelnikom znam da on i dalje želi i insistira na tome da se ta tačka nađe na dnevnom redu u momentu i u skladu sa ovim što je šefica Službe govorila i ja poštujem struku. Dakle ako struka kaže da se nešto radi na određeni način, ne vidim zašto ne bismo se držali toga. U svakom slučaju taj će se izvještaj zasigurno naći na dnevnom redu Općinskog vijeća Maglaj, Plan i program rada je okviran. Izvolite načelniče, zapravo oprostite Mujkanović je prije vas se još javio za riječ.

Vijećnik Arif Mujkanović,dobar dan. Razmišljao sam da li da se javim ili ne javim. Bez obzira u ovom slučaju hajdi reći ću,odgovorit ću vijećniku Begiću. Neki dan sam išao na jednu intervenciju u Žepče gdje je trebalo Profesionalnoj vatrogasnoj jedinici u Žepču pomoć, došlo je do zatajenja tehnike, to je jedan izraz koji se koristi, novo vozilo. Ne trebate otresati glavom nego slušajte. Desi se to. Sad ću vam reći još jednu stvar, prilikom tog navedenog požara imam osjećaj da ste malo zlonamjerno to pokušali igrati se sa ljudima. Izašla su tri vozila, dva vozila su radila, a treće vozilo koje smo dobili donaciju od Kantonalne uprave civilne zaštite sa imenom i prezimenom potpisom koje je donirano od strane Aličića i to je vozilo zatajilo da. Pitajte takođe vlasnika objekta kada je obavijestio i da li se moglo uraditi više. Uradilo je se ono što je se moglo. Može reći kolega Salatović imali smo skoro požar na njegovom objektu. Kako se intervenisalo i da li je se radilo. Ne treba to raditi. Ali ću još nešto reći za to zadnje vozilo koje se desilo, dobili smo ga, poskidane gume promijenjene gume. Isto takvo je vozilo dobio Doboju Jug, maternja općina direktora Civilne zaštite. Ja sam lično volio više da nam ga nisu poklonili, da nam ga nisu dali i da smo malo drugačije organizovani. Što se tiče nabavke opreme i opreme stanja ništa ne odudaramo od ovih ostali. Dobijali smo mi u predhodnom mandatu neka vozila koja molimo Boga da nam odu. Ja ne znam zašto su nam davali ova vozila pa moraš improvizovati, raditi svašta sa njima i dobijali smo vozila pa su pojedini načelnici predhodni odbijali to, ne treba nama to, treba nama ne znam ni ja kojekakvih donacija tipa poljoprivrede i ovoga pa su znamo gdje su završavali tipa iz Švedske i svega toga. To se malo...imaju i dokumenti. Čudi me da vam neko nije od ovih ostalih kolega koji su duže u vijeću da vam to nije rekao. Sljedeća stvar, što se tiče nabavke, ja mislim da će, neće načelnik ostati dužan koliko se radi po pitanju toga ali imaju dežurne firme i dežurni ljudi koji se trude da pokvare svaku nabavku koja dolazi. Tek toliko, imam još kasnije spremnih odgovora. Hvala.

Predsjedavajuća Svjetlana Zamboni-Radovanović, hvala Vam gospodine Mujkanoviću. Zamolila bih sada načelnik. Molim? Šta ste vi ? Nisam ni vidjela da ste se javili. Izvolite replicirajte. Al hajte da malo svedemo. Mislim radi građana, svede se na neko vaše interno...sve radi građana tako je. Molim vas za malo pažnje. Znam da se ovo već razvuklo.

Vijećnik Jasmin Begić(replika), što se tiče revizorskog izvještaja, on je davno trebao doći u proceduru da mi raspravljamo o njemu i gospodin Ferić se jako dobro informisao zato jer neki nedostaci koji su evidentni u revizorskom izvještaju da odu na deset parlamentarnih komisija ne mogu se ispraviti, to o tom. Što se tiče kapitalnih investicija i projekata u Maglaju drago mi je da će građani dobro da vide ovo i da upoznaju koja su kapitalna ulaganja u našoj općini, to je krpanje rupa i mijenjanje sijalica. Gospodo draga pa de vidite koliki je Budžet sada u Žepču, a bio je u pola manji nego naš. Sve općine oko nas imaju tendenciju rasta Budžeta i tendenciju razvijanja. Šta mi imamo? Na kraju evo gospodin Mujkanović dolazi nam iz vatrogasne službe. Meni je drago da našoj vatrogasnoj službi ne treba ništa i ovo trebaju da čuju građani.

Predsjedavajuća Svjetlana Zamboni-Radovanović, nije to rekao molim vas, nemojte...

Vijećnik Jasmin Begić, trebaju da čuju građani znači da nova oprema zataji i da nemamo potrebe novu uzimati opremu. Trebamo i dalje ovako davati 1000 maraka za Civilnu zaštitu itd. Razumijem ja znači zbog čega gospodin Mujkanović ima potrebu onaj da brani ovu vlast. Uopšte nemam problem s tim.

Predsjedavajuća Svjetlana Zamboni-Radovanović, hajmo o Budžetu pričati molim vas.

Vijećnik Jasmin Begić, ali jasno i glasno moraju građani da znaju da našoj vatrogasnoj službi je potrebna oprema. Toliko.

Predsjedavajuća Svjetlana Zamboni-Radovanović, hoćete replicirati Mujkanoviću, izvolite. Sad ću ja tražiti pauzu, pa ćemo se malo odmarati i ostati do sutra, a vi nastavite replicirati.

Vijećnik Arif Mujkanović (replika), ja se stvarno ne znam kad ste maloprije spomenuli intelekt. Vi očito imate problema sa intelektom. Ja sam... da da znam da imate. Sad ću Vam reći još jednu stvar. Kad sam ja rekao da ne treba? Treba i treba još više.

Predsjedavajuća Svjetlana Zamboni-Radovanović, niste to rekli gospodine Mujkanoviću.

Vijećnik Arif Mujkanović(replika), tako je. Opreme treba i nikad dovoljno i nemojte pričati, a ja govorim o činjenicama možete provjeriti crno na bijelo da je bilo i ne morate otresati glavom ko neslan ovan.

Predsjedavajuća Svjetlana Zamboni-Radovanović, molim Vas vokabular, malo povedite o vokabularu računa.

Vijećnik Arif Mujkanović, provjerite, izvolite nemojte pričati da lažete, mislim sramota je to da lažete. Ja sam vam rekao opet i slušajte Begiću jednu stvar ako uzimate moje i kažete nešto molim vas argumentujte.

Predsjedavajuća Svjetlana Zamboni-Radovanović, vi pitate da li je ovo dnevni red?

Vijećnik Arif Mujkanović, Vi ste prozvali mene i imam razloga recite zašto? Ja Begiću za Vaše ime i za Vaše... uskoro ću podastrijeti dokaze da ste ovako slobodno iza govornice da ste jedan običan kriminalac.

Predsjedavajuća Svjetlana Zamboni-Radovanović, molim vas hajte vratite se na tačku dnevnog reda. Replicirate na šta? Samo malo, prije vaše replike, prekidam sjednicu Vijeća na 5 minuta. Zamolila bih vijećnike da zauzmu svoja mjesta. Repliku je uputio vijećnik Begić i molim vas da se kanališe malo diskusija da se vratimo na Prijedlog Budžeta Općine Maglaj za 2022.godinu.

Vijećnik Jasmin Begić(replika), evo ovako na uvrede gospodina Mujkanovića ja sam i na prošlim sjednicama izbjegavao da repliciram, jer sam smatrao da nije to moj nivo da repliciram gospodinu Mujkanoviću. Ove uvrede znači što su upućene meni gdje će postojati audio i video zapis, takođe će biti proslijeđene mom advokatu i tu ide prijava za uvredu. Samo da kažem da gospodin Mujkanović pored toga što živi na Budžetu općine i živi od uplata poreza koje mi plaćamo. On godinama radi na crno i bavi se klasičnim izbjegavanjem poreskih obaveza, čišćenjem odžaka i prodavanjem visoko tarifnih roba poput alkohola na domaćem tržištu. Stoga molim gospodina Mujkanovića da registruje djelatnost, jer ukoliko bude morao platiti retroaktivno poreze na čišćenje odžaka i to u zadnjih 15-20 godina bojim se da će to biti stvarno suma velika.

Predsjedavajuća Svjetlana Zamboni-Radovanović, nemojte molim vas Arife reagovati na ovo. Dozvolite da se..molim vas nemojte se osvrnati na ovu izjavu. Bit će u zapisniku svakako. Mislim da je načelnik se javio da se osvrne na sve provedene diskusije vezane za Budžet 2022.godine. ja Vas takođe molim načelniče da u svom izlaganju osvrnete malo i na ovu tačku koja se stalno

provlači kroz sve moguće diskusije nije bitno o kojem aktu se radi, a to je revizija Općine Maglaj za predhodnu godinu.

Načelnik Mirsad Mahmutagić, evo ja ću prije svega sve srdačno poselamit i pozdraviti. Zaželjet vam sve najbolje u novoj nastupajućoj 2022.godini da vas služi zdravlje, nafaka, sreća a ovo ću dalje prešutiti, htio sam reći a pojedinim i pamet ali evo neću reći. Kad provlačite pitanje informacije o reviziji, kad mislite da je to toliko krucijalno nećemo čekati završetak kad god bio završetak. Dobit ćete iduću sjednicu.

Predsjedavajuća Svjetlana Zamboni-Radovanović, hvala vam lijepo i da završimo.

Načelnik Mirsad Mahmutagić, završena priča. Bila gore rasprava, ne bila dobit ćete iduću sjednicu. Nemamo ništa, ne krijemo. Ima li primjedbi ima i uvijek će ih biti i te primjedbe nisam donio sa sobom nego sam ih zatekao. Mnoge su otklonjene i ne bježim ni od jedne, dakle imat ćete iduće sedmice, sjednice da iduće sjednice. Evo gospodin Fermić kako reče da sam ja bio vijećnik pa bili ste i Vi gospodine Fermiću novinar kako ne znate da 2010.godine prvo sakriven izvještaj i dostavljeno samo štura informacija o ocjeni, a oni tamo podaci da su otvarane ranije koverta na tenderima itd. su bile sakrivene. Kad sam Vas pomenuo krenut ću od vaših navoda. Hajd prvo ovako da kažem i za građane onaj moj rezultat onakav od šest hiljada i nešto SDP-ov rezultat je poslao reviziju prvo u Maglaj. Došla je u Maglaj i od svih općina, razgovaramo mi načelnici je bila najduže. Revizija u Maglaju je trebala biti završena u maju mjesecu a nije završena do sedmog mjeseca. Krajnji datum dostave izvještaja je bio 01.septembar pa nije ni do tada . Dakle tražila se i dlaka u jajetu i neka je dobro je meni je to drago, dakle sve što ima da se prave greške neka neko napiše pa ćemo ispraviti. Ono što je rekla ovdje šefica službe gospođa Grahić dakle imate vi tamo nekih stavki koje suprostavljena mišljenja imaju ministarstvo koje je nadležno reviziji. Dakle mi imamo akt ministarstva po kojem treba da postupamo a revizija tvrdi drugačije. To je niz razloga zbog kojih ćemo ići na raspravu i raspravljati o tome. Nije korektno Fermiću vjerovatno je to razlog toga što Vi dugo nista znali jeste pozicija ili opozicija zato što ste igrali dvostruku igru i došli dotle da ne želi s Vama niko. Ja sam od 2004.godine u Vijeću, prvi put ima vijećnika s kojim niko ne želi napraviti klub. To je vaše djelovanje dovelo do toga. Dakle izađete ovdje i kažete da nema Pravilnik o korištenju službenih automobila. Ima iz 2010.godine, sačinio ga bivši načelnik ima, ali ima primjedba na nešto drugo, dakle i to su te stvari koje treba dopuniti i korigovati. A izaći i reći da je proces završen, nije završen dakle u reviziji 2009.godini nije bilo saslušanja pred ovom komisijom dakle nije bilo, sada ima i sačekat ćemo i otići ćemo na raspravu. Samo trenutak. Što se tiče gospođe Aide, tu je odgovorila šefica Službe. Što se tiče Fermića evo ovaj dio koalicione većine to ćete vjerovatno razgovarati s predsjednicima partija, to me ne interesuje nije vezano za ovu tačku dnevnog reda. Što se tiče SDA, evo ovako javno ću reći da sam ponosan ja što sam vas rasuo ko rižu i zahvaljujem se SDP-u i koalicionim partijama koji su učestvovali u tome. Nekad od respektabilne partije....osvrćem se na vaša izlaganja ne možete pričati, a da vam se ne odgovori. Nekada respektabilna partija danas pala na mediokritete poput Begića i Kusr Eldisa i dobro je, nastavite tom stazom. Ja ću vam pomoći da idete dalje u propast, jer niste dobrodošli ni ovom narodu ni građanima ni ovom gradu. Što se tiče vijećnika Begića, pa VVi očigledno ne poznajete osnovne pojmove, očigledno. Vama bi trebalo malo obuke nekome da uplatite nekome da vas nešto nauči. Moralno Vas ne može niko naučiti. Moralno i karakterno ne može, to se donese iz porodice i Vi ste to manifestovali više puta. Što se tiče intelektualne treba Vam tu dosta toga.

Predsjedavajuća Svjetlana Zamboni-Radovanović, hajte na Budžet načelniče molim vas.

Načelnik Mirsad Mahmutagić, očigledno ne znate šta je, govorim o kapitalnim ulaganjima. Očigledno ne zna čovjek šta su kapitalna ulaganja, očigledno ne zna. Šta ja mogu tu. Onda izađe i kaže nema kapitalnih ulaganja, Budžet je socijalni, a prije toga izađe i kaže treba dati Merhametu, ovom ili onom ili nekoj ekipi. Dakle to je raštmano ko najlošiji orkestar i zadovoljstvo vas je gledati. Očigledno i evo vratit ću se na Merhamet, bila je prva stavka. Moj prijedlog je bio da se smanji, moj prijedlog je ostao i ove godine na 20.000,00 i sve dok se... neću..prošle godine sam rekao da neću govoriti detalje, neću ni sada govoriti detalje koje ja znam, ali dok se Merhametom služe cekerima oni koji imaju plate u državnim institucijama, a da ne govorim o ostalim djelima ja

povećavati neću jedna stvar, a druga stvar da ste korektni prema Merhametu, da ste korektni prema građanima provjerili bi koliko koja općina daje za Merhamet, a mi smo među ljudima koji daju ponajviše.

Predsjedavajuća Svjetlana Zamboni-Radovanović, hvala lijepo. Replika Fermić.

Vijećnik Hajrudin Fermić (replika), kratko ću samo. Pošto načelnik pita kako se ne sjećam, želim mu samo reći sjećam se 2010. godine sam bio novinar, urednik jedne emisije i prvi sam objavio navode odnosno nalaze izvještaje Ureda za reviziju Općine Maglaj za 2009.godinu i prvi u ona vremena dakle imao jednu tematsku emisiju po tom pitanju i prvi inicirao i animirao tadašnje ljude, čelnike SDP-a na taj izvještaj nakon čega su oni na osnovu moje prezentacije gdje su dobili, odnosno gdje sam im dostavio taj izvještaj proanalizirali i napravili jedan sasvim opravdan i objektivan pritisak na tadašnju administraciju i tadašnje Općinsko vijeće da stave na dnevni red. Naravno da su dobili u materijalima taj skraćeni postupak, ali srećom tadašnji SDP je imao cijeli materijal zahvaljujući meni.

Predsjedavajuća Svjetlana Zamboni-Radovanović, hvala vam. Evo čini mi se da su to bile sve diskusije. Nema više prijavljenih za diskusije. Šefica se osvrnula na iznesene prijedloge u toku cijele diskusije i obrazložila zašto nešto jeste ili nije. Naravno moramo se gospođo Grahić, moramo uvažiti diskusiju gospodina Fermića, a to je da u materijalima koje dobijamo po pitanju ovoga Budžeta moramo u skladu sa članom 118. i članom 119. imati obrazloženja iznesenih prijedloga, njihovu analizu zašto jesu ili nisu usvojeni pa tako evo i sugestija za naredne godine da to bude obavezni dio materijala koji se dostavlja vijećnicima. To je zaista obaveza u skladu sa Poslovníkom o radu Općinskog vijeća i podržavam naravno gospodine Fermiću tu vašu sugestiju. Evo na osnovu svega iznesenog ja bih samo. Izvolite? Ona je rekla da se radi i o doprinosima koji će se isplaćivati preko Centra za roditelje koji ostaju cjelodnevno sa svojom djecom, možda ću malo parafrazirati uslijed čega ne mogu raditi moraju se plaćati doprinosi za takve roditelje i ona je složna da se samo izvrši preraspodjela unutar njihovog Budžeta, jer nešto je više, čini mi se na materijalnim troškovima, ali imate realokaciju sredstava tako da po meni to nije problem. Svakako će to biti i u audio snimku tačno dakle kako je direktorica sugerisala da ja ne bih parafrazirala i ne bih pogriješila, mogu samo reći da njen prijedlog da se sugeriše da se uvaži njen prijedlog o raspodjeli sredstava unutar Budžeta.

Dženana Hadžiedhemović, uredu, pa možda je ona čak i resornoj šefici dostavila pismeno to, jer vidjela sam da je držala pismeno. Onda ako je Vijeće saglasno da nakon što se završi da se izvrši ta izmjena u tom opisnom dijelu prije same objave u Službenim novinama. Eto samo sam to.

Predsjedavajuća Svjetlana Zamboni-Radovanović, naravno neka to bude tako. Već sam zaključila raspravu i rekli smo da niko se više ne javlja i da..osvrnula se na raspravu, na njeno..ne može Jašiću izvinite. Dakle uvažavajući suglasnost direktorice Centra za socijalni rad i njen prijedlog koji je u pisanoj formi dostavljen i šefici resorne Službe dakle za BIZ Budžet za 2022.godinu, dakle Prijedlog Budžeta/Proračuna Općine Maglaj za fiskalnu 2022.godinu stavljam na glasanje. Ko je za usvajanje Budžeta, uvažavajući ovaj prijedlog naravno?

Glasalo za: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA) Mustafa Bešić (samostalni vijećnik), Elvir Vehabović (samostalni vijećnik), Hajrudin Fermić (DF).

Glasalo protiv; Adis Abdurahmanović, Jasmin Begić, Mirsad Bejzić, Safet Jašić, Edin Osmić, Eldin Pehrat, Edin Salatović (SDA),

Uzdržanih; nema

Konstatujem da je usvojen Prijedlog Budžeta za 2022.godinu. Niko od vijećnika nije diskutovao o Prijedlogu Odluke o izvršavanju Budžeta/Proračuna Općine Maglaj za fiskalnu 2022.godinu iako je šefica rekla kakav je to dokument. Rasprava je bila otvorena i za a i za b, niko ništa nije rekao te Odluku stavljam na glasanje. Ko je za? Molim Fermiću? Pa jeste vi jeste rekli, oprostite zaboravila sam. Zasjenila je one druge diskusije.

Ko je za usvajanje Odluke?

Glasalo za: Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA), Mustafa Bešić (samostalni vijećnik), Elvir Vehabović (samostalni vijećnik).

Glasalo protiv; Adis Abdurahmanović, Jasmin Begić, Mirsad Bežić, Safet Jašić, Edin Osmić, Eldin Pehrat, Edin Salatović (SDA), Hajrudin Ferić (DF)

ZAKLJUČAK

- 1.1. Usvaja se Budžet/Proračun Općine Maglaj za fiskalnu 2022. godinu;
- 1.2. Da se uvaži prijedlog direktorice JU „Centar za socijalni rad“ Maglaj o preraspodjeli sredstava unutar Budžeta Centra za socijalni rad, a koji je dostavljen i u pismenoj formi;
- 1.3. Usvaja se Odluka o izvršavanju Budžeta/Proračuna Općine Maglaj za fiskalnu 2022. godinu;

AD – 2 Prijedlog Odluke o izmjeni i dopuni Odluke o komunalnim taksama općine Maglaj;

Predsjedavajuća Svjetlana Zamboni-Radovanović, prelazimo na drugu tačku dnevnog reda, a to je Prijedlog Odluke o izmjeni i dopuni Odluke o komunalnim taksama općine Maglaj. Materijal je dostavljen. Obrazloženo je. Otvaram raspravu. Izvolite gospodine Ferić.

Vijećnik Hajrudin Ferić, vrlo kratko. Predlažem da se ova odluka tretira i razmatra kao Nacrt i da se ovakav tekst uputi na javnu raspravu koja bi trajala najmanje 20 dana kako bismo omogućili prije svega u skladu sa Poslovnikom o radu Općinskog vijeća ako se ne varam član 114. da se izjasne obzirom da je ovo zaista od najšireg interesa za javnost ova odluka. Da li je 13, 14 ili 15 u kojima stoji da se u pravili pogotovo kad su od interesa za građane ovaj, prijedlozi akata šalju na javnu raspravu a u međuvremenu mislim da bi se moglo malo i popraviti ova sama forma ovog akta koji je nekako poprilično neskladno i nakaradno urađena govorim u pravnom, formalno pravnom smislu i treća stvar u međuvremenu bi se ipak malo više u obrazloženju dobiti podataka koliko zaista ova odluka ima svoje utemeljenje u posljednje vrijeme odlukama, presudama Ustavnog suda Federacije BiH kada su ovakve i slične odluke u pitanju, a gdje imamo zaista jedan proces kako se ono kaže sudsku praksu da sve ono što dijeli ove obaveze po osnovu taksi po djelatnostima da nije baš u skladu sa zakonom, odnosno Ustavom onaj ali da ne bi sada nagađali.

Predsjedavajuća Svjetlana Zamboni-Radovanović, govorite o razvrstavanju pravnih lica?

Vijećnik Hajrudin Ferić, dobro ali ja samo predlažem....

Predsjedavajuća Svjetlana Zamboni-Radovanović, hajd samo malo načelnice i šefica se isto javila...

Vijećnik Hajrudin Ferić, ja samo ovdje... molim vas molim vas, ja ovdje samo. Ponovit ću sada ponovo. Dakle, želim zato predlažem da ovo ide u javnu raspravu kako bi omogućili građanima i svim zainteresovanim pravnim i fizičkim licima da se izjasne o Nacrtu ove Odluke, ništa više eto.

Predsjedavajuća Svjetlana Zamboni-Radovanović, hvala vam lijepo. Samo bih vas zamolila Dženana da nam objasnite pošto ste se javili za riječ, da nam objasnite kako se to odražava na narednu godinu kad su pravna lica u pitanju i da li je moguće zapravo ovo stavljati u javnu raspravu obzirom na...

Dženana Hadžiedhemović, Prijedlog Odluke koji je stigao u materijalima općinskim vijećnicima ne mijenja odluku kompletno. Zbog toga vijećnice Feriću nije održana javna rasprava. Odluka se vrši, odnosno trpi izmjene u dijelu, jer je u februaru 2021. godine objavljen novi Zakon o računovodstvu, gdje su... nemamo više tri kategorije preduzeća mala, srednja i velika sada imamo mikro, mala i srednja, te na preporuku Porezne uprave ispostava Maglaj mi smo dužni to uvrstiti i

u svoju odluku. Također u članu 13. koliko sada evo napamet ali mislim da jeste bila je tehnička greška u ranijoj Odluci tako da je tu ispravljen koeficijent, ali pardon ne koeficijent nego procenat obračuna ukoliko se radi o pravnim licima koji imaju, to se konkretno misli na elektroprivrede i telekome, to se zovu bazne stanice i trafo stanice čini mi se. Zbog tih, kod obračuna za njih koji se odnose, zbog toga u tom dijelu se odluka mijenja ako mislite da se odluka mijenja u nekom već značajnijem ne zbog onih članova nego da ne bi bilo npr.u redu tri iza riječi te dodaje se riječ ta, mi smo sve gdje ima više izmjena izmijenili cijeli član da bi vama kao vijećnicima bilo jednostavnije i preglednije. Izmjena po osnovu komunalne takse je u koristi i elektro i BH telecoma i svih ostalih pravnih lica. Što se tiče same odluke, odluka je donesena jeli krajem 2020.godine sa primjenom 2021.godinu prošla je mišljenje Općinskog pravobranioca i pravnika službe vijeća tako da je usklađeno sa pravnim aktima, ukoliko zaista imate neke prijedloge nije sporno ali molim vas samo konkretno.

Predsjedavajuća Svjetlana Zamboni-Radovanović, Hvala lijepo. Vijećnik Abdurahmanović.

Vijećnik Adis Abdurahmanović, selamim i pozdravljam sve prisutne i želim nam uspješan rad na današnjoj sjednici. Ništa ja ću samo naglasiti da je Klub vijećnika SDA imao potpuno isti stav da se ne ponavljamo za javnu raspravu po ovom pitanju međutim šefica službe je obrazložila tako da nećemo se ponavljati.

Predsjedavajuća Svjetlana Zamboni-Radovanović, hvala vam lijepo. Evo dakle imali smo prijedlog gospodina Fermića da to ide u javnu raspravu. Prvo moramo tu, da se dakle pretvori ovaj Prijedlog u Nacrt. Zaključujem raspravu jer nije bilo ni prijavljenih. Ko je za takav prijedlog, da ide u javnu raspravu. Ko je za to da ovo ide u Nacrt?

Glasalo za; Adis Abdurahmanović, Jasmin Begić, Mirsad Bežić, Safet Jašić, Edin Osmić, , Eldin Pehrat, Edin Salatović (SDA), Hajrudin Ferić(DF)

Glasalo protiv; Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Aida Bašić(A-SDA)Mustafa Bešić (samostalni vijećnik), Elvir Vehabović (samostalni vijećnik).

Dakle nije usvojen prijedlog vijećnika Ferića. Te ovakvu dakle, te Prijedlog Odluke o izmeni i dopuni Odluke o komunalnim taksama općine Maglaj stavljam na glasanje. Ko je za usvajanje odluke kakva je došla u materijalu?

Glasalo za, Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Aida Bašić(A-SDA)Mustafa Bešić (samostalni vijećnik), Elvir Vehabović (samostalni vijećnik).

Glasalo protiv, ; Adis Abdurahmanović, Jasmin Begić, Mirsad Bežić, Safet Jašić, Edin Osmić, , Eldin Pehrat, Edin Salatović (SDA), Hajrudin Ferić(DF)

Uzdržani, nema.

Z A K L J U Č A K

2.1. Usvaja se Odluka o izmjeni i dopuni Odluke o komunalnim taksama općine Maglaj.

AD – 3 Prijedlog Odluke o kupovini zemljišta u obuhvatu I zaštitne zone izvorišta vode za piće Misurići;

Predsjedavajuća Svjetlana Zamboni-Radovanović, prelazimo na narednu tačku dnevnog reda. To je ova tačka kojom smo proširili današnji dnevni red a to je Prijedlog Odluke o kupovini

zemljišta u obuhvatu I zaštitne zone izvorišta vode za piće Misurići. Otvaram raspravu. Izvolite. Dakle Nedžade, hoćete li dati uvodnu riječ za tačku 3. dakle ova zaštitna zona izvorišta, zatim Prijedlog Odluke o prodaji nekretnine 4, Prijedlog Odluke o prodaji nekretnine 5 pa možete i 6, pa dobro možete i 7 mada nije onaj ista, ali neka bude malo izdvojena da. Evo zaključno sa tačkom 6. Nedžade ako možete dati uvodnu riječ.

Nedžad Ćatić (uvodničar), Prijedlog Odluke o kupovini zemljišta u obuhvatu I zaštitne zone izvorišta vode za piće Misurići, vlasnik zemljišta Hrnjić Said se obratio Općinskom vijeću, načelniku i nadležnoj službi za u prvom momentu za zamjenu zemljišta gdje je se vodio postupak i utvrđeno je da Općina nema zemljišta za zamjenu, odnosno ne može se izvršiti zamjena zemljišta onog koje je on tražio u zamjenu obzirom da se to nalazi u poslovnoj zoni gdje je predviđena izgradnja poslovnih objekata sa većim parcelama a obzirom na vrijednost zemljišta koje je daleko veće u poslovnoj zoni znači sad u ovom momentu se kreće 30-40 KM po metru kvadratnom tako da bi to na kraju površina koja bi se mogla dodijeliti u zamjenu bila nekih 700 kvadrata. Nakon toga je promijenio svoj zahtjev tako da je tražio da se izvrši otkup zemljišta mi smo takođe proveli postupak, u postupku su takođe učestvovali stručno lice za urbanizam, općinski pravobranilac i konstatovano je, tražilo se mišljenje Komisije za procjenu nekretnina koja je dala svoju cijenu od 14 KM po metro kvadratnom koji je prihvatio vlasnik zemljišta, tu cijenu. Mi smo u ovoj situaciji pripremili odluku o kupovini zemljišta. Ovo zemljište vidjeli ste i sami iz priloga nalazi se u I zaštitnoj zoni izvorišta Misurići i jedino je privatno zemljište koje je ostalo u toj I zoni, sve ostalo je znači državno zemljište, odnosno zemljište u vlasništvu Općine Maglaj.

Predsjedavajuća Svjetlana Zamboni-Radovanović, ovo je usaglašena cijena.

Nedžad Ćatić, jeste usaglašena je.

Predsjedavajuća Svjetlana Zamboni-Radovanović, imamo Mašić Ševalu.

Nedžad Ćatić, Mašić Ševala, Prijedlog Odluke o prodaji nekretnina neposrednom pogodbom radi oblikovanja građevinske parcele Mašić Ševala. To smo imali, prije dva vijeća smo imali Odluku o gubitku statusa javnog dobra, to se radi o dijelu zemljišta koje ulazi u njenu građevinsku parcelu koje je bilo, vodilo se kao javno dobro. Znači, ono je izgubilo status javnog dobra, taj dio od 60 kvadrata i sada je upisano na Općinu Maglaj. To je znači Prijedlog Odluke da se izvrši prodaja po cijeni koju je predložila komisija. To je 15 KM po metru kvadrata. Lokmić Enisa Prijedlog Odluke o prodaji nekretnina neposrednom pogodbom radi oblikovanja građevinske parcele Lokmić Enisa radi se o formiranju građevinske parcele u Starom gradu. To je onaj dio gdje je bila ona jedna kuća uska i ta građevinska parcela zahvata njihovo zemljište u većem dijelu i dio općinskog zemljišta. To je sada ono tamo gdje su izloženi oni nadgrobni spomenici, prolazili ste vidjeli ste. Znači predložena je cijena od strane općinske komisije, 80 KM po metru kvadratnom za površinu od 40 kvadrata koliko ulazi općinskog zemljišta u ovu građevinsku parcelu.

Predsjedavajuća Svjetlana Zamboni-Radovanović, hvala lijepo i imamo ovdje Alu Wood

Nedžad Ćatić, tačka 5. Prijedlog Odluke o djelimičnoj izmjeni Regulacionog plana "Centar Maglaj-sjeverni dio" po zahtjevu Alu Wood Inžinjeri d.o.o. Maglaj. Alu Wood Inžinjeri se obratio Općinskom vijeću i načelniku i resornoj službi sa zahtjevom za izmjenu Regulacionog plana u dijelu hotela Galeb koju je on, to preduzeće kupilo u sudskom postupku, predlaže se znači izgradnja, rekonstrukcija i dogradnja na tom potezu gdje bi se u okviru tog dijela izvršila dogradnja postojećeg hotela. Znači onaj ugostiteljski dio gdje bi imala ukupnu visinu 6 spratova i predviđa se izgradnja u tom kompleksu jednog objekta stambenog objekta spratnosti 8 spratova.

Predsjedavajuća Svjetlana Zamboni-Radovanović, to je to. Zaključujemo sa ovom tačkom. Idemo dalje. Otvaram raspravu. Izvolite Abudrahmanović. Ne znam da li vam je takvo zaduženje, hoćete li iznijeti stav za sve? Hvala.

Vijećnik Adis Abdurahmanović, ovako ja ću se po ovoj tački koju smo naknadno dobili o kupovini zemljišta u obuhvatu I zaštitne zone izvorišta vode za piće Misurići. Uzimali smo pauzu

na samom početku pa nećemo sada, ali evo da obrazložimo kao što kaže član 2. Da se isto otkupljuje u svrhu rješavanja imovinsko pravnih odnosa na zemljištu, obuhvatu I zaštitne zone izvorišta vode za piće to jeste u svrhu privođenja namjene Regulacionom planu Misurići. Vidimo da se radi o tome da svo okolno zemljište je već 1/1 u vlasništvu Općine Maglaj i sasvim je logično da nam treba i ovo da se to privede kraju i samo da kako sam video u članu 3. da pitam cijena je već utvrđena i dogovorena 14 KM.

Predsjedavajuća Svjetlana Zamboni-Radovanović, dogovoreno.

Vijećnik Adis Abdurahmanović, ništa mi ćemo po ovoj tački prihvatit naravno jer je u interesu općine a ove ostale tačke nećemo uopšte se ..pošto smo imali materijal, pripremili smo se i samo ćemo glasati.

Predsjedavajuća Svjetlana Zamboni-Radovanović, glasati, hvala lijepo. Gospodin Fermić.

Vijećnik Hajrudin Fermić, ja i ova gospođa Ševala Mašić nismo se nikad upoznali a tako se dobro znamo ovih posljednjih 5 godina čini mi se svaka dva mjeseca kroz ove papire čujemo ovo ime i prezime. Zapravo tako mi je malo neki šlagvort po toj tački ću i diskutovati. Dakle to je tačka 4. ako se ne varam Prijedlog Odluke o prodaji nekretnine neposrednom pogodbom radi oblikovanja građevinske parcele Mašić Ševala. Kažu da je prije 3-4 godine jedan poznati advokat ovdje dolazeći u Maglaj rekao nema nigdje jedino u Maglaju prodaju se putevi. Ja sam mislio da je to neki ekcesni izraz ali evo u posljednje četiri godine pa nama se čini mi se svake sjednice ili svake druge sjednice pojavljuje ovdje zahtjev za ukidanje statusa javnog dobra a zatim prodaja tog zemljišta neposrednom pogodbom i to iz različitih razloga. Kod jednog prevario kupac,prodavac, jedan nije znao da je to status pa napravio ogradu, treći napravio željeznu ogradu, četvrti uzeo parking prostora itd . Dakle, nikakvog mi ovdje, nikakvog poteza nismo napravili da malo uredovimo to, da malo zaista dignemo na jedan ozbiljan nivo sve ove odluke koje se tiču gubitka statusa javnog dobra. Pobogu postoje valjda i neki Zakon o cestama, postoji neke definciije cestovnog pojasa, postoje negdje i pitanja gdje to može, gdje to ne može da se uradi. Šta rade inspekcije po tom pitanju, šta su uradile, koje su preventivne mjere da se stane u kraj toj bespravnoj gradnji pored cesta. Šta smo uradili odnosno dokle smo došli kada je u pitanju kategorizacija lokalnih cesta nekategorisanih itd. Da jednostavno imamo neke propise i pravila koja utvrđuju kad možemo to da uradimo i kad treba da treba to da uradimo da ukinemo status javnog dobra a kada to ne možemo ni po koju cijenu. Gledamo ovdje u predsjednika Savjeta za bezbjednost saobraćaja, a tu može svakako i služba da uradi dosta posla može da uradi i putni inspektor i evo sad da ja ne dužim više. Ja zaista ovakve stvari ovo je već gotovo, ovo je završni čin da prodamo zemljište ovoj gospođi ali dajte da zaista donesemo na ovoj sjednici Općinskog vijeća Pravilnik o načinima ukidanja statusa javnog dobra za one parcele, za one dionice koje su u putnom pojasu. Molim vas ovo je jako važno i zbog neke poruke koju ćemo poslati svim onim koji su do sada uradili tako nešto nezakonito, a i onim koji namjeravaju da tako nešto nelegalno ili nezakonito urade. Da jednostavno damo na glasanje da se donese Pravilnik i to da se donese vrlo brzo Pravilnik o načinima ukidanja statusa javnog dobra na onim dionicama koje su u putnom pojasu.

Predsjedavajuća Svjetlana Zamboni-Radovanović, dobro, izvolite Mešić.

Vijećnik Mirza Mešić(replika), pošto se prvi put javljam, pozdravljam sve prisutne. Kratko ću samo repliku gospođinu Fermiću. Ja koliko znam gospodin Fermić je već u predhodnom mandate bio i ja sam predsjednik Savjeta tako je, za bezbjednost saobraćaja na području općine Maglaj. U predhodnom sazivu je ovo Općinsko vijeće tražilo da se Savjet izjašnjava kada su u pitanju ove stvari. Imamo problem gdje postoje putevi ucrtani ali objekti postoje već pod 10,15, 20 , 30 godina. Postoji kuća, postoji ograda itd. Mi smo izlazili na lice mjesta, mi smo konstatovali znači ako postoji 30 godina nije postojao problem nikakav u odvijanju saobraćaja nema daljeg širenja takve smo odluke donijeli. Što se tiče i ove odluke isto je tako, ili usmeno ili pismeno mi sa

službom izađemo na lice mjesta damo svoje mišljenje, stav kad on nas to traže. Kada su u pitanju ovi putevi što ste pomenuli da postoje, da nisu regulisani, da nisu ucrtani itd. upravo predhodnih dana ja sam sa gospođom Hajrulahović bio u kontaktu tamo i razgovarao na tu temu da treba da se sjedne da se ti problemi počnu rješavati jer nije u pitanju samo jedna MZ ili ..znači kompletno područje općine to mora da se riješi. Znači , kada su u pitanju te stvari postoji putni pojas određene kategorizacije, nekategorisani za regionalnu za magistralnu za brzu cestu za autoput koliko je koji putni pojas. Što je veća kategorija puta veći je i putni pojas logično. Međutim, sad vam ponavljam, znači ti objekti već postoje, ograde koje ste pominjali već postoje 30 godina i nikakvih problema nema znači, samo je sada uvođenje u skladu sa zakonom, ljudi rješavaju svoje imovinsko-pravne odnose.

Predsjedavajuća Svjetlana Zamboni-Radovanović, Nedžade izvolite, replika načelnika pa Vi Nedžade onda molim vas.

Načelnik Mirsad Mahmutagić(replika), moram izaći replicirati vijećniku Fermiću ovaj dugo vremena trpim sve ove podvale koje izađu iza govornice i onda dođe kad se mora reći. Ovdje je izrečena jedna vrlo opasna konstrukcija da neko prodaje puteve. Mislim to je mimo svakog zdravog razuma da neko prodaje puteve. Ovdje je vijećnik Mešić rekao 30 godina, ne 30 godina preko 50 godina. Nije ovo došlo tek tako danas na sjednicu , ijeća, možda novi vijećnici ne znaju ali vijećnik koji je izašao za govornicu trebao bi da zna da smo ovo već ranije rješavali da je formirana komisija, da je bio Savjet za bezbjednost saobraćaja, da je izvršena provjera da li se može ići u taj proces i da se već dva slučaja riješena. Riješena dva slučaja ide se dalje sa rješavanjem, ali reći nešto da neko prodaje puteve ovako za govornicom bez da to obrazloži ispadne da smo mi ovdje danas, odnosno vi danas ovdje ti koji prodajete dijelove saobraćajnica na području općine Maglaj što naravno nije tačno i druga stvar i zbog vas i zbog javnosti ne zaboravite da dosta kilometara na području općine Maglaj puteva koji postoje desetine i destine godina se nalaze na zemljištu koje se vode na licima 1/1 i to je problem koji će se nekada rješavati ovdje i to vam je zakačite se za izvještaj za reviziju i to vam je jedna od primjedbi. Ne samo Općini Maglaj, nego svim općinama što nije izvršen popis, a nije ga izvršio još ni Tito pa nismo ni mi.

Predsjedavajuća Svjetlana Zamboni-Radovanović, replika Fermić.

Vijećnik Hajrudin Fermić(replika), kad se čovjek izražava slobodno i evo pokušava da bude malo i duhovit da razgali, onda i kaže nešto što je zaista istina , bilo je prije 3-4 godine činjenica da je taj advokat rekao prodaju puteve, a to u prenesenom smislu smatram da je pa i ovo danas što radimo put. To što smo mi ukinuli pravo služnosti, što smo ukinuli putni pojas ja bih evo zaista upitao šta je definicija ceste i šta ga čini. Dakle i putni pojas je cesta ili put, ceste jest jednako put, dakle i kad dio putnog pojasa prodajemo faktički po definiciji prodajemo i dio puta. Nije poenta u toj priči načelniče, poenta je da pokušamo sistemski rješavati i upravu ste Izvještaj ureda za reviziju je rekao da ovdje nema registra cesta, cestovnog pojasa itd. jeste jeste rekao, ali evo dajte da vidimo na koji način to da počnemo rješavati pa ima 3-4 godine gdje sam predlagao sa ove govornice da se prije svega počne. Tamo napraviti neka inventura onih projekata, cestovnih projekata koji postoje ili ne postoje da se počnu raditi, izrađivati kako bi u konačnici evo i taj dio riješili dakle uopšte koliko imamo projekata, cestovnih projekata tamo u administraciji, kojih nemamo. Imamo odluke o kategorizaciji puteva, nemamo. To su neki pravci gdje bi mi za godinu, dvije tri pet i riješili između ostalog. Dalje, olako prihvatanje ovakvih predmeta daje nam, daje zaista daje jednu ružnu čini mi se poruku onim nesavjesnim građanima koji smatraju da evo kroz ovakvu..... Nije ovo jedan dva slučaja, pa mi smo samo imali u 3-4 zadnje sjednice vijeća 3 ili 4 ovakva slučaja. Iz tih razloga dajte da pokušamo. Evo gore su bila u Liješnici dva itd. pa u Čobama..elem nije bitno. Dajte da to pokušamo, dajte da krenemo od nečega da ovo sistemski rješavamo prije svega zbog samih cesta, da znamo šta kako se može tu praviti graditi, kako se

održavati, ko je zadužen i na kraju krajeva da možemo uvesti onu naknadu za prekomjerno osovinsko opterećenje koja bi bila jako dobar prihod u Budžetu o čemu smo takođe govorili ranijih godina.

Predsjedavajuća Svjetlana Zamboni-Radovanović, hvala vam, Nedžade Vi ste se javili za riječ. **Nedžad Čatić**, ja bih samo htio da napomenem mislim vi ste, bilo je nekoliko tih slučajeva ali ako ste primjetili svi ti slučajevi su uglavnom na istim lokacijama. Znači imamo otprilike gore onaj dio prema Tujnici prije škole i imali smo u Kosovi toga isto ima. Znači o čemu se tu radi. O čemu se radi, radi se znači o putu starom putu koji je bio magistralni put, koji je imao svoje gabarite 11-12 m znači ti putevi sada se koriste kao lokalni putevi. Ljudi su to ko zna kad prije možda 30-40 godina zagrađili. Šta se dešava? Sad se dešava da ljudi mijenjaju ograde, postave na isto mjesto. Mislim imamo mi još dvije situacije isto u Tujnici i u toj situaciji inspektor reaguje, mislim ima ljudi mlađih oni sigurno i ne znaju da je to dio puta i u tom postupku se, vodi se postupak nije to sad ovaj...mi tek tako izađemo. Znači, u postupku učestvuju pravnik, imovinsko pravna služba vodi postupak, učestvuju urbanista, učestvuje pravobranilac i oni znači cijene situaciju, cijene da li taj dio zauzeti smeta korištenju tog javnog puta i kakvu donese odluku takva odluka ide na vijeće, takav je postupak. Način gubitka statusa je propisan, Vijeće je to koje ga može da kaže da taj dio zemljišta više nema status javnog dobra i tek onda može ići u promet, jer ako je javno dobro ne može ići u promet. Hvala.

Predsjedavajuća Svjetlana Zamboni-Radovanović, jasno, jasno. Evo to je..ima li još diskutantata zaključno sa šestom tačkom dnevnog reda? Nema. Idemo onda po redu na glasanje. Dakle tačka 3. Prijedlog Odluke o kupovini zemljišta u obuhvatu I zaštitne zone izvorišta vode za piće Misurići. Ko je za donošenje ovakve odluke? Dakle cijena je usaglašena 14 KM po metru kvadratnom, ko je za ? Protiv ? Uzdržan ? Konstatujem da smo jednoglasno usvojili ovu Odluku. Dopunit ću dakle Odluka stupa na ...Emina jel piše to na kraju? Pa eto ako usvajamo, onda je to to, nema razloga da dodajemo ništa.

Z A K L J U Č A K

3.1. Usvaja se Odluka o kupovini zemljišta u obuhvatu I zaštitne zone izvorišta vode za piće Misurići;

AD – 4 Prijedlog Odluke o prodaji nekretnine neposrednom pogodbom Mašić (Salih) Ševali iz Maglaja, radi oblikovanja građevinske parcele;

Predsjedavajuća Svjetlana Zamboni-Radovanović, četvrta tačka dnevnog reda, Prijedlog Odluke o prodaji nekretnine neposrednom pogodbom radi oblikovanja građevinske parcele Mašić Ševala. Cijena je 15 KM po metru kvadratnom. Ko je za donošenje ovakve odluke ? Protiv ? Uzdržan ? Konstatujem da smo jednoglasno usvojili i ovu odluku.

Z A K L J U Č A K

4.1. Usvaja se Odluka o prodaji nekretnine neposrednom pogodbom Mašić (Salih) Ševali iz Maglaja, radi oblikovanja građevinske parcele;

4.2. Prodajna cijena nekretnine – zemljišta koje je predmetom prodaje iznosi 15,00 KM po 1m2.

AD – 5 Prijedlog Odluke o prodaji nekretnine neposrednom pogodbom Lokmić (Enver) Enisi iz Maglaja, radi oblikovanja građevinske parcele.

Predsjedavajuća Svjetlana Zamboni-Radovanović, sljedeća tačka je Prijedlog Odluke o prodaji nekretnine neposrednom pogodbom radi oblikovanja građevinske parcele Lokmić Enisa. Cijena je 80 KM po metru kvadratnom. Ko je za donošenje ovakve odluke? Jednoglasno.

ZAKLJUČAK

5.1. Usvaja se Odluka o prodaji nekretnine neposrednom pogodbom Lokmić (Enver) Enisi iz Maglaja, radi oblikovanja građevinske parcele;

5.2. Prodajna cijena nekretnine – zemljišta koje je predmetom prodaje iznosi 80,00 KM po 1m².

AD – 6 Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“ po zahtjevu „Alu Wood Inženjering“ d.o.o. Maglaj ;

Predsjedavajuća Svjetlana Zamboni-Radovanović, tačka 6. Prijedlog Odluke o pristupanju djelimičnoj izmjeni Regulacionog plana “Centar Maglaj-sjeverni dio” po zahtjevu “Alu Wood Inženjering” d.o.o. Maglaj. Nisam čula u izlaganju da li ovo treba sve ono po proceduri, redovna procedura itd. Dobro. Dakle da se ide u redovnu proceduru. Ko je za ? Protiv ? Uzdržan ? konstatujem da smo i ovu odluku donijeli jednoglasno.

ZAKLJUČAK

6.1. Usvaja se Odluka o pristupanju djelimičnoj izmjeni Regulacionog plana „Centar Maglaj – sjeverni dio“ po zahtjevu „Alu Wood Inženjering“ d.o.o. Maglaj;

AD – 7 Prijedlog Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini;

Predsjedavajuća Svjetlana Zamboni-Radovanović, prelazimo na 7. tačku dnevnog reda a to je Prijedlog Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini. Uvodničar je opet Nedžad.

Nedžad Ćatić, Nacrt ove odluke je bio na prošlom vijeću, poslije toga je bio javni uvid koji je određen u roku od 10 dana od 07.12 do 16.12. te je održana javna rasprava 20.12. javna rasprava nije bila posjećena, bio je samo jedan građanin koji je imao neke prijedloge ali koji nisu bili vezani za ovu odluku, više su bili vezani za odluku o parking tako da je to više Odluka o parkinzima koje bi trebalo njegove te primjedbe možda kroz tu odluku rješavati. Ova odluka otprilike ostala je u istom tekstu, osim onog što smo mi, imali smo prošli puta dilemu oko načina obračuna u članu 30. Tu smo mi napisali primjer kako se obračunava naknada kod ovih površina zavisno od veličine površina gdje imaju različite cijene, tako da smo to ubacili da ne dođe do dileme na koji način se vrši obračun naknade.

Predsjedavajuća Svjetlana Zamboni-Radovanović, dobro, hvala lijepo. Otvaram raspravu. Zatvaram raspravu. Ko je za usvajanje Prijedloga Odluke o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj

svojini? Ko je za ?

Glasalo za, Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA) Mustafa Bešić (samostalni vijećnik), Elvir Vehabović (samostalni vijećnik).

Protiv, nema

Uzdržani, Adis Abdurahmanović, Jasmin Begić, Mirsad Bejzić, Safet Jašić, Edin Osmić, Eldin Pehrat, Edin Salatović (SDA),

Vijećnik Hajrudin Fermić nije prisutan u Sali za vrijeme glasanja.

ZAKLJUČAK

7.1. Usvaja se Odluka o privremenom korištenju javnih površina i davanju u zakup javnih površina i neizgrađenog građevinskog zemljišta u državnoj svojini;

AD – 8 Prijedlog Odluke o utvrđivanju vrijednosti boda komunalne naknade za 2022.godinu;

Predsjedavajuća Svjetlana Zamboni-Radovanović, prelazimo na narednu tačku dnevnog reda a to je Prijedlog Odluke o utvrđivanju vrijednosti boda komunalne naknade za 2022.godinu. obrađivač opet dakle Služba za urbanizam, Nedžad, nemojte ni ići ostanite tu dok ne završimo ove akte iz urbanizma.

Nedžad Ćatić, Prijedlog Odluke o utvrđivanju vrijednosti boda komunalne naknade je propisan Zakonom o komunalnoj naknadi, komunalnoj djelatnosti ZDK i tu je propisano da Općinsko vijeće donosi vrijednost boda krajem tekuće godine do 31.12. tekuće godine za narednu godinu. Ukoliko ne donese tu odluku, onda se primjenjuje odluka koja je do tada bila na snazi. U ovom prijedlogu odluke ona se mijenja samo u dijelu ovaj vrijednosti mjesečnog iznosa boda u ovoj prvoj tački gdje piše 0,0023. Znači, do prošle godine je bilo 0,002 to je povećanje znači za nekih 15 % u ostalom dijelu odluka je ista kao i prošle godine.

Predsjedavajuća Svjetlana Zamboni-Radovanović, hvala lijepo. Izvolite Salatović.

Vijećnik Edin Salatović, pošto se prvi put javljam sve selamim i pozdravljam, samo ću reći ovdje u obrazloženju odluke kaže naseljima se uređenim građevinskim zemljištem prema stavu 1.ovog člana smatraju se naselja opremljena najmanje pristupnom cestom, objektima za snabdjevanje električnom energijom i snabdjevanje vodom i odvođenjem otpadnih voda prema mjesnim prilikama. Klub vijećnika SDA predlaže da se preduzećima koja nemaju obezbjeđene kompletne uslove kao u stavu 1. smanjimo vrijednost boda za 50 % do onog trenutka dok se ne obezbjede isti uslovi kao i preduzećima koji imaju sve uslove kao u stavu 1. Kada dobiju naravno neophodne uslove da od tog trenutka plaćaju punu vrijednost predloženog boda.

Predsjedavajuća Svjetlana Zamboni-Radovanović, možete li biti malo konkretniji, mene zanima šta predlažete zapravo.O čemu se radi tu?

Vijećnik Edin Salatović, znači da preduzeća ...

Predsjedavajuća Svjetlana Zamboni-Radovanović, razumijem preduzeća, neki konkretan primjer ima li?

Vijećnik Edin Salatović, ima evo recimo u poslovnoj zoni u Liješnici, u Šeheru, nemaju obezbjeđene sve uslove to jeste dovod vode, nemaju komunalno, odvoz smeća znači da se takvim preduzećima izvrši smanjenje boda za 50% u odnosu na preduzeća koja imaju sve ove elemente.

Predsjedavajuća Svjetlana Zamboni-Radovanović, hvala lijepo. Ima li još diskutanata. Načelnik ili Nedžad ja bih zamolila da se neko od vas. Zato sam tražila konkretan primjer, da se osvrnete na prijedlog.

Načelnik Mirsad Mahmutagić, malo samo pojašnjenja dakle ovo što je nabrojano tamo šta sve treba da sadržava dakle to je ono što bi se bilo u kompletu, eto imate tamo dio rečenice koji kaže ukoliko je to moguće kako već stoji, to govori o lokacijama a sami privredni subjekti kako će dobiti upotrebnu dozvolu ukoliko nije riješio to, prema tome kroz izgradnju, kroz građevinsku, kroz upotrebnu dozvolu za privredne subjekte to riješeno, jedna stvar. Druga stvar sam zakon koji tretira ovu tematiku je imao u vidu da udaljenija područja od gradske jezgre imaju slabiju infrastrukturu i zbog toga su koeficijenti različiti pa ćete vidjeti koliko ja sad ne znam napamet mislim da 6 zona se završava na koeficijentu 5, Nedžade jeli ? Prva zona na 80-85, 84 znači već je sve uobzireno i nije pola nego višestruko.

Predsjedavajuća Svjetlana Zamboni-Radovanović, hvala lijepo. Da li ima još diskutanata? Nema, zaključujem raspravu po ovoj tački dnevnog reda. Prijedlog koji je iznesen u okviru diskusije bio je od gospodina Salatovića dakle ovo umanjenje o kojem je govorio od 50 % za privredne subjekte koji nemaju ispunjene sve uslove, načelnik je obrazložio šta to znači i po samim zonama. Ko je za usvajanje prijedloga iznesen od gospodina Salatovića.

Glasalo za; Adis Abdurahmanović, Jasmin Begić, Mirsad Bežić, Safet Jašić, Edin Osmić, , Eldin Pehrat, Edin Salatović (SDA),

Glasalo protiv; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić(SDP), Aida Bašić(A-SDA)

Uzdržani; Hajrudin Ferić(DF), Elvir Vehabović(samostalni vijećnik), Mustafa Bešić(samostalni vijećnik)

Utvrđit ću da vaš prijedlog nije dobio potrebnu većinu te na glasanje stavljam samu odluku a to je Prijedlog Odluke o utvrđivanju vrijednosti boda komunalne naknade za 2022.godinu, ko je za usvajanje ovakve odluke kakva je i dostavljena u materijalu.

Glasalo za; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić(SDP), Aida Bašić(A-SDA), Hajrudin Ferić(DF), Elvir Vehabović(samostalni vijećnik), Mustafa Bešić(samostalni vijećnik)

Glasalo protiv; Adis Abdurahmanović, Jasmin Begić, Mirsad Bežić, Safet Jašić, Edin Osmić, , Eldin Pehrat, Edin Salatović (SDA).

Uzdržanih ; nema

ZAKLJUČAK

8.1. Usvaja se Odluka o utvrđivanju vrijednosti boda komunalne naknade za 2022.godinu;

AD – 9 Prijedlog Odluke o izmjeni i dopuni Odluke o upravljanju izgrađenim objektom dijela primarne vodovodne mreže za dio naselja Misurići, Općina Maglaj;

Predsjedavajuća Svjetlana Zamboni-Radovanović, prelazimo na narednu tačku dnevnog reda ili hajde da napravimo samo 5 minuta pauze jer idemo na drugu tematiku. Nastavljamo s radom, molim vas da zauzmete svoja mjesta. Prelazimo na narednu tačku dnevnog reda a to je Prijedlog Odluke o izmjeni i dopuni Odluke o upravljanju izgrađenim objektom dijela primarne vodovodne mreže za dio naselja Misurići, Općina Maglaj i predlažem da obzirom na sličnost odluke možemo govoriti i o tački koja slijedi a to je Prijedlog Odluke o izmjeni i dopuni Odluke o upravljanju izgrađenim objektom Prve faze primarne vodovodne mreže za dio naselja Misurići, Općina Maglaj i treća Prijedlog Odluke o izmjeni i dopune Odluke o davanju na upravljanje KJD –izgrađene vodovodne mreže Poljice. Dakle prijedlog je 9, 10 i 11 da diskutujemo zajedno. Nedžade trebate li vi dati uvodnu riječ ovdje.

Nedžad Ćatić (uvodničar), ove odluke su donesene, osnovne odluke prije, znači Općinsko vijeće je donijelo u predhodnom periodu i ove odluke su vezane za reviziju, znači za izvještaj o reviziji. U izvještaju o reviziji ukazano da u onim odlukama koje se donose nisu bile utvrđene vrijednosti stalnih sredstava koje se daju na upravljanje KJD, niti je utvrđeno knjigovodstveno evidentiranje odnosno ko će voditi to knjigovodstveno evidentiranje. Znači kroz ove odluke se mijenja član 2. tih odluka gdje je sada navedena vrijednost infrastrukturnih objekata koji se daje na upravljanje i određeno je da će Općina Maglaj knjigovodstveno voditi evidenciju o stanju i sredstvima.

Predsjedavajuća Svjetlana Zamboni-Radovanović, vijećnik Ferić.

Vijećnik Hajrudin Ferić, ja ću samo postaviti jedno pitanje a nadam se da ako neko ne može danas odgovoriti, može sigurno u narednim sjednicama vijeća ali evo gospodin Ćatić maloprije reče i ovo je vezano za taj izvještaj revizije i znamo, ja sam u raspravi o Budžetu rekao evo imamo sada odluka koje malo popravljamo na osnovu toga i uredu je. Zaista ih treba prihvatit, ali postavio bih pitanje da li po ovom istom principu trebamo donijeti i u narednom periodu i odluke koje se tiču groblja, pijace, parking prostora itd.

Predsjedavajuća Svjetlana Zamboni-Radovanović, postavljate pitanje službi ili nama ? Da li ima još diskutantata i po jednoj od ovih navedenih tački dnevnog reda. Hoće li neko odgovoriti gospodinu Feriću. Dobit će pismeni odgovor. Dobro. Dakle na glasanje stavljam Prijedlog Odluke o izmjeni i dopuni Odluke o upravljanju izgrađenim objektom dijela primarne vodovodne mreže za dio naselja Misurići, Općina Maglaj; tačka 9.

Ko je za donošenje ovakve odluke? Protiv ? Uzdržan ? Nema. Konstatujem da smo jednoglasno usvojili.

ZAKLJUČAK

9.1. Usvaja se Odluka o izmjeni i dopuni Odluke o upravljanju izgrađenim objektom dijela primarne vodovodne mreže za dio naselja Misurići, Općina Maglaj;

AD – 10 Prijedlog Odluke o izmjeni i dopuni Odluke o upravljanju izgrađenim objektom Prve faze primarne vodovodne mreže Poslovne zone Misurići, Općina Maglaj;

Predsjedavajuća Svjetlana Zamboni-Radovanović, prelazimo na narednu odluku a to je Prijedlog Odluke o izmjeni i dopuni Odluke o upravljanju izgrađenim objektom Prve faze primarne vodovodne mreže Poslovne zone Misurići, Općina Maglaj, ko je za donošenje ovakve odluke? Protiv ? Uzdržan ? Nema niko. Jednoglasno.

ZAKLJUČAK

10.1 Usvaja se Odluka o izmjeni i dopuni Odluke o upravljanju izgrađenim objektom Prve faze primarne vodovodne mreže Poslovne zone Misurići, Općina Maglaj;

AD – 11 Prijedlog Odluke o izmjeni i dopuni Odluke o davanju na upravljanje KJD-u izgrađene vodovodne mreže Poljice;

Predsjedavajuća Svjetlana Zamboni-Radovanović, tačka 11. Prijedlog Odluke o izmjeni i dopuni Odluke o davanju na upravljanje KJD-u izgrađene vodovodne mreže Poljice, ko je za donošenje ove odluke ? Protiv ? Uzdržan ? Jednoglasno.

Z A K L J U Č A K

11.1. Usvaja se Odluka o izmjeni i dopuni Odluke o davanju na upravljanje KJD-u izgrađene vodovodne mreže Poljice;

AD – 12 Prijedlog Odluke o davanju saglasnosti za imenovanje direktora JP Veterinarska stanica doo Maglaj;

Predsjedavajuća Svjetlana Zamboni-Radovanović, prelazimo na narednu tačku dnevnog reda a to je Prijedlog Odluke o davanju saglasnosti za imenovanje direktora JP Veterinarska stanica doo Maglaj. U materijalu uz obrazloženja o provedenoj proceduri imate sve, dakle kako je provedena procedura, ko se prijavio itd.itd. Otvaram raspravu. Zatvaram raspravu, te Prijedlog Odluke o davanju saglasnosti za imenovanje direktora JP Veterinarska stanica doo Maglaj.ko je za ?

Glasalo za ; Svjetlana Zamboni -Radovanović,Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević,Senad Šehić(SDP), Aida Bašić(A-SDA), Hajrudin Ferić(DF), Elvir Vehabović(samostalni vijećnik), Mustafa Bešić(samostalni vijećnik).

Glasalo protiv; Adis Abdurahmanović, Jasmin Begić, Mirsad Bežić, Safet Jašić, Edin Osmić, , Eldin Pehrat, Edin Salatović (SDA).

Uzdržanih ; nema.

Konstatujem da smo sa 15 glasova za usvojili i ovaj prijedlog.

Z A K L J U Č A K

12.1. Usvaja se Odluka o davanju saglasnosti za imenovanje direktora JP Veterinarska stanica doo Maglaj;

AD – 13 Usvajanje Metodologije MZ-a;

Predsjedavajuća Svjetlana Zamboni-Radovanović, prelazimo na tačku dnevnog reda Usvajanje Metodologije MZ-a. šefica nadležne službe ukoliko...vidjeli ste to je jedan opširan dokument. Eldina hoćete li nam dati uvodnu riječ ili smatrate da nema potrebe. Trebalo bi kažu vijećnici, da nam kažete o čemu se tu radi. Da odgovorite na pitanja. Evo vijećnik Ferić.

Vijećnik Hajrudin Ferić, izlazim evo za govornicu zbog javnosti prije svega da dam podršku, da kažem da ću objeručke prihvatit sve ovo što nam je iz službe došlo ovdje predloženo i da sam sretan evo što imamo te dokumente pred sobom. Moram evo malo i da se pohvalim jel, bez obzira na one kritike koje sam doživljavao u predhodne 3-4 godine ova metodologija i svi ovi dokumenti koji su predloženi od strane UNDP-a su na tragu maltene u 99 % prepisane od onog što je rađeno i što je bilo čak u ponudi Općinskom vijeću prije neke tri godine. Tada nije bilo političke neke

saglasnosti da se to sve usvoji a ovo je sasvim sigurno još kvalitetnije, bolje i mislim da dolazi od strane autoriteta koji će puno lakše otvoriti vrata da se sve to usvoji kod nas i da zaista konačno krenemo u reformu rada MZ-a.

Predsjedavajuća Svjetlana Zamboni-Radovanović, hvala lijepo. Nema više diskutanata, ima Jašić što čekate Safete? Znala sam ja da ne mogu MZ-e bez vaše diskusije proći ali eto. Hajd rekoh UNDP propisao metodologiju pa neće.

Vijećnik Safet Jašić, nisi mi dala za diskusiju, nemoj sa mnom pričati.

Predsjedavajuća Svjetlana Zamboni-Radovanović, aha, hajde hajde. Molim vas Emina plus Jašiću tamo stavite.

Vijećnik Safet Jašić, ništa kad je u pitanju ovaj materijal mi imamo svoj stav po ovome i ja ću ga iznijeti. Smatramo da nema potrebe da Općinsko vijeće na ovoj sjednici usvaja bilo šta iz dostavljenog materijala nazvanog Metodolgija MZ-a niti se to traži od nas od strane UNDP-a. Obzirom da su u materijalu predstavljeni određeni primjeri iz drugih lokalnih zajednica koji nisu primjenljivi na MZ općine Maglaj primjera radi u toku 2018.godine smo imali skoro identičan Nacrt Statuta MZ-a pa se ispostavilo da nije usklađen sa Statutom Općine Maglaj i ponovo smo se vratili na početak. Naravno da ima tu stvari koje se mogu iskoristit s tim u vezi predstavnici MZ-a koji prođu kroz obuku koja se navodi u ovom materijalu obuku UNDP-a koju za njih bude organizovao UNDP mogu nakon toga u svome radu primjenjivati stečeno znanje kao i određene forme, draftove koji budu primjenljivi u radu MZ-a općine Maglaj i to vodeći računa o tome da sve to bude usklađeno sa domaćim zakonodavstvom a ne sa nečijim željama npr. Zapisnik sa Zbora građana, forma zapisnika je utvrđena ZUP-om, lista učesnika na zboru građana, plakati za zbor građana, pregled prioriteta, godišnji plan rada MZ-a su rađeni i u ranijem period tamo gdje su funkcionisale odnosno radile MZ-e. Većinu dokumenata iz ponuđene metodologije treba staviti MZ-a da same naprave i usvoje bez direktnog miješanja bilo koga sa strane. Tim prije što naše MZ-e imaju ponešto od toga iz ranijeg perioda evo primjer, postoji priručnik za vijeće MZ-a urađen na CD-u i dostavljen je svim MZ-a. MZ-e imaju Statute koji se ne moraju ponovo raditi nego napraviti izmjene i dopune kojima će se unaprijediti određena pitanja vodeći računa i da ne bude odstupanja od Statuta Općine Maglaj. Nije sporno da se koristi, primjeri dobre prakse iz Metodologije MZ-a dostavljene od UNDP-a koju treba koristiti kao pomagalo u radu MZ-a a ne nikako kao nešto što Općinsko vijeće treba i mora usvajati. Predlažem da ovu tačku dnevnog reda nazovemo Informacijom o Metodologiji MZ-a po preporuci UNDP-a i da se tako i ponašamo, odnosno da ovo kao informaciju primimo k znanju a predstavnici MZ-a koji prođu obuku kod UNDP-a neka primjenjuju u svom radu naučeno i ono što bude primjenjivo u našim uslovima i u skladu sa domaćim i pozitivnim propisima. Ovdje se još govori mnogo toga ono što je gospodin Ferić rekao znam ja šta je njega obradovalo najviše. Nema ništa demokratičnije nego glasanje javno, ništa nema demokratičnije njega to raduje, on stalno forsira da to ide nešto tajno pa bar da ima javno i tajno da se ovdje ljudi izjasne na Zboru kako to ide tako treba da bude, a ne ovo što je njega obradovalo tajno i jedino tako se mušferi prave. Pa stalno kukamo na izbornu komisiju kad su ovi izbori u pitanju hoćemo da poboljšamo, a kad vidiš čovjeka da pred tobom digne ruku za tebe ili protiv tebe to je demokratija. Još jedna stvar ...

Predsjedavajuća Svjetlana Zamboni-Radovanović, hajmo, hajmo i vrijeme gospodine Jašiću, znate da poštujemo vrijeme.

Vijećnik Safet Jašić, ma ja imam privilegije kod tebe..

Predsjedavajuća Svjetlana Zamboni-Radovanović, nemate privilegije kao ni bilo ko drugi.

Predsjedavajuća Svjetlana Zamboni-Radovanović, još jedna stvar ovdje se pominje od strane UNDP-a da se ovo radi na teritorij cijele BiH, ovo je odlično za onaj drugi entitet. Zašto ? Onaj drugi entitet nema uopšte termin, nema pojam MZ-a, to kod njih ne postoji. Njima bi ovo taman dobrodošlo, oni nisu pravno lice, nemaju svoj pečat, nemaju ništa, nikakve ovlasti mogu se samo samorganizovati. Ja svaki dan pričam sa takvim ljudima iz komšiluka. Prema tome, ja imam pravo da kažem ono što mislim. Ovo što smo rekli smatramo da je ovo adekvatno za naše uslove, za naše MZ-e koje dugo vremena rade, godinama se to radi, nije to od jučer postalo i prema uslovu odnosno Statutu općine Maglaj, slažemo se sa ovim nekim malim izmjenama koje smo pomenuli i

evo predlažemo da ovo ide kao informacija, a naravno da UNDP ima svoje, ja znam da su neke MZ –e već ušle u neke projekte i to treba podržati naravno, ništa to nije sporno ali evo čuli ste naš prijedlog.

Predsjedavajuća Svjetlana Zamboni-Radovanović, hvala lijepo. Izvolite vijećnik Fetić.

Vijećnik Samir Fetić, da vas prvo poselamim, pozdravim, Sajo možete pažnje malo, čitate tamo molim vas, slušajte me. Hajte, budite ljubazni malo ostavite to. Ti forumi će se raditi na MZ-a gdje će dvije osobe mlađe koje možda imaju fakultet ići će u Doboj da nauče kako pisati projekte prema UNDP-u. tu će biti...ići će na obuku, praviti će se forumi i to će više biti kao igraona, više na tim MZ-a znači igramo se malo. Pa će biti ovdje npr.problem-rješenje i sad to će se raditi po grupama 4-5 mještana koji će imati probleme u svom ogranku u MZ-i i onda će napisati ja imam problem put, ja imam problem ovo i onda će to ići na glasanje bit će problem-rješenje i npr. ko bude imao najviše nekakav problem u MZ, taj će problem proći, to nije loše. Hvala.

Predsjedavajuća Svjetlana Zamboni-Radovanović, replika kolegi pa ne mogu da vjerujem.

Vijećnik Safet Jašić, samo nešto nije replika šalim se, izostavio sam nešto. Znači, MZ-e u Federaciji, odnosno općini Maglaj ovdje sada govorimo i našim MZ-a imaju svojstvo pravnog lica i oni mogu sami usvajati, samo usvajati mogu. Prema tome razlika između same..nisam ja mislio ništa što si ti rekao dobro je nego zaista dole je stanje takvo. Kod njih je općina i vrh republike. Naše MZ-e imamo...nije bitno al ako nešto zna drugačije znači naše MZ-e same mogu da usvajaju ovo i bez odluke vijeća da se urade neke stvari u Statutu.

Predsjedavajuća Svjetlana Zamboni-Radovanović, neke stvari da. Zamolila bih ipak Eldinu da nam malo...prije nego ona dođe izvolite, meni je sasvim jasno zašto se radi ova Metodologija i šta je ideja UNDP-A.

Vijećnik Jasmin Begić, ja ću samo kratko, da li ova Metodologija znači ulazi u sferu izmjene Statuta i Pravilnika o radu MZ-a?

Eldina Mehinagić, prvo da vas sve selamim i pozdravim. Jasno mi je, mislim očekivala sam ja da će biti nejasnoća obzirom da i ja sama kada sam dobila Metodologiju sam imala priliku da razgovaram sa UNDP-om s namjerom da recimo da mi daju informacije koje su objektivno mogle biti kao znak pitanja ovdje. Ja sam pokušala da dam u propratnom aktu to napravim iz razloga što MZ općine Maglaj nisu prvi put u ovoj priči. Nekada su 2000.godine bili u priči NDP-a to jest Švicarske agencije za razvoj i saradnju, tada su ušle isto tako pet MZ-a u ovu priču, međutim znate kako godine su prošle, zakoni su se promijenili i sve ostalo. Ova Metodologija ne podrazumjeva da mi tu Metodologiju moramo preuzeti i uraditi onako kako je vama ponuđeno, što znači da mi moramo, da bi trebali da to je kao neki kostur nečeg i mi sada trebamo da to sve sagledamo i napravimo jedinstvene obrasce za sve MZ-e na prostoru općine Maglaj. Kada nam dostavljaju izvještaje, dostavljaju nam u jednoj formi. Kada pišu planove i programe, pišu u jednoj formi, kada se dostavljaju zapisnici da to bude u jednoj formi. To ustvari mi na neki način sve to svedemo na jedno mjesto da bi svima nama to bilo lakše a na kraju krajeva i samim predstavnicima MZ-a. Mi smo predložili tamo da neka akta koja stoje tipa primjerak zapisnika, primjerak plakate, primjerak ovog, primjerak onog znači ono što generalno mi ne moramo sada nije nigdje zakonski da imamo da to na neki način prihvatimo kao informaciju i da prihvatimo tako kao formu. Ono što u suštini treba da bude vezano za zakonske odredbe tipa Statut, Pravilnik o radu MZ-a i sve ostalo vi koji ste imali priliku da pogledate taj materijal, vidjeli ste da u principu ima stvari koje treba promijeniti i zaista treba promijeniti, treba uskladiti sa Zakonom o principima lokalne samouprave sa Statutom općine Maglaj i sa normativno pravnim aktima koje je izdala Općina Maglaj. Ovo je još jedna prilika da mi generalno, pošto nikad onu procedure generalnog Statuta MZ-a nismo završili ovo je prilika da na jedan uz naravno koordinaciju sa svim predstavnicima tamo smo napisali, svim predstavnicima MZ-a i Komisijom za statutarna pitanja napravimo te jedinstvene obrasce. Mi imamo puno pitanja recimo dolaze nam predstavnici MZ-a koje iskreno rečeno ne znaju kako da naprave, nije da ne znaju napraviti zapisnik, nego ne znaju formu, ne znaju kako izgleda, ne znaju procedure izbora rukovodstva, ne znaju kako da se...nije da ne znaju nemaju nikakav papir na kome će reći eh ja stvarno sad pravilno radim i vodim Zbor građana, vodim sastanak itd. Može se ova Metodologija kompletna izmijeniti u odnosu na ovaj sadržaj koji ste sada

dobili i prilagoditi se općini Maglaj, MZ-a i normativno pravnim aktima. Ovo je ustvari samo ako mi danas usvojimo tu priču mi smo rekli da krajnji dan do kojeg mi trebamo to da završimo da bude negdje krajem februara, da se to lijepo pregleda, prečisti, očisti i sredi, dotjera, prilagodi općini Maglaj, prilagodi MZ-a i ponudi Općinskom vijeću Maglaj na usvajanje onih normativno pravnih akata koje MZ-e moraju da imaju. Znači, mi ne usvajamo ovaj pravilnik koji je vama dostavljen nego taj pravilnik mi uzimamo, pregledamo ga, vidimo da li je u skladu sa zakonom ako nije mi ga prilagodimo, uskladimo ga na način kako je lakši našim MZ-a naravno uz prisustvo MZ-a i onda donesemo jedan generalan pravilnik ili recimo zapisnik. Mi smo kao općina ušli u taj program sa UNDP-om, mi naravno ako želimo da uđemo u taj program moramo da poštujemo određena pravila. Ta pravila podrazumijevaju da kada njima šaljemo izvještaje o radu i mi ćemo takođe i njima morati dostavljati neke informacije. Oni nažalost traže da to bude u njihovoj formi tipa potpis ljudi koji su prisutni na zboru, kao što smo i mi imali ali je to na jednom unificiranom obrascu, potpis lica koja su na sastanku itd. Ja lično smatram obzirom da sam imala priliku raditi ovakve stvari u RS-u nije to slično kao u RS-u, nije zato što su drugačije formulisane MZ-e u RS-u nego u Federaciji ali je u svakom slučaju svima nama dobro pa svim predstavnicima MZ-e dobro da imaju jedan putokaz i pokazatelj kako se to radi. Možda ćemo mi zaštekati negdje tipa Statut, tipa Pravilnik ali ste zato vi tu kao vijećnici zato je Statutarna komisija, zato su predstavnici MZ-a da oni na neki način sugerišu šta je dobro, šta nije dobro, šta se treba ubaciti, šta izbaciti. Možda ćemo mi kada sve to završimo primjera radi Pravilnik o radu MZ-a prihvatiti samo početak i kraj. Prvi naslov i zadnji potpis, možda i sve ono unutra promijeniti, ali to je naše i mi ćemo to odraditi. Nas niko ne tjera da to prihvatimo nego samo da ima taj set dokumenata jedna MZ-a da ima taj set dokumenata po kojima će raditi. Druga stvar mi to moramo imati sve na jednom mjestu ako ne uzmemo ovu taktiku moramo uzeti drugu jer sad smo u fazi da bi sve MZ dobile saglasnost na svoje Statute tek tada mi njih možemo uvesti u Registar i to je još jedan od načina da mi to odradimo. Budite sigurni bar ste do sada mi vjerovali, vjerujte mi i sada, ovo neće ništa promijeniti, ako MZ se slože da Pravilnik bude drugačiji on će biti drugačiji ako se slože da akti budu drugačiji bit će drugačiji, ali ovo su dokumenti koje svaka MZ-a mora imati kod sebe usvojene kako bi mi mogli dalje da radimo. Znači, ne mora izgledati takav plakat, mi ćemo donijeti kakav će plakat izgledati. Oni su nama dali samo primjere a mi ćemo kao predstavnici MZ-a Općinsko vijeće, komisija na kraju krajeva i vi vijećnici ćete odlučiti o tome da li će to biti tako ili ne, kada mi to ponudimo u februaru mjesecu. Znači, ovo je samo nešto što će nama koristiti kao kostur da mi kasnije možemo da radimo i da donesemo dokumenta naša. Ja se izvinjavam još ovo moram da kažem da bi mi uveli u Registar MZ-e mi to moramo sve imati i primjerak zapisnika i kako radi se i primjerak izvještaja. Vi koji radite dugo godina s MZ-a znate koliko je to veliki problem i da je zaista dobro da nešto tako postoji. Mi smo ove godine kad smo radili ID brojeve nove za MZ-e originalne primjerke ostavili kod sebe u Službi. Nismo ih davali MZ-a ili bude poplava ili bude ne znam izgubi se nešto tako da u svaka doba dana i noći, kada vam bude trebao ID broj novi uvijek možete se obratiti službi, uvijek ćete taj broj dobiti a ovako kad stoji u MZ ili se zagubi ili se izgubi neko ne znam ni ja, neko i ne obraća pažnju na to. Eto ukratko koliko sam mogla, ali ostajem opet na raspolaganju ako treba još kakav odgovor.

Predsjedavajuća Svjetlana Zamboni-Radovanović, samo još jedno pitanje. Dakle da li po pitanju ove tačke dnevnog reda kako da zaključimo? Usvajamo Metodologiju ili...

Eldina Mehinagić, vi možete da usvojite Metodologiju MZ-a kako je predloženo od strane UNDP-a, ta Metodologija podrazumijeva set dokumenata koja svaka MZ-a treba da ima a sadržaj tih dokumenata će nadležna Komisija za statutarna pitanja, općinska Služba, predstavnici MZ-a imati obavezu kako smo mi predložili do kraja februara da to sve pregledamo, prečistimo, uredimo, sredimo ima tamo što neko piše opština neko općina ima piše savjet umjesto vijeće i tako te stvari. To je nama ustvari samo pokazatelj koja dokumenta mora imati MZ-a a sadržaj dokumenta ćemo mi na neki način urediti. Da da vratit na Vijeće. Vi ćete ove glavne dokumente Općinsko vijeće morati usvojiti. Vi morate donijeti odluku, mi ako prihvatimo Metodologiju ako sad prihvatimo Metodologiju to je znači odluka Općinskog vijeća da se prihvata ta Metodologija i da se zadatak...ako vi želite vi možete to i proširiti ko će biti u sastavu te komisije.

Predsjedavajuća Svjetlana Zamboni-Radovanović, Eldina, da otklonimo dilemu, a molim vas da slušate pažljivo imate to u materijalu dakle prijedlog bi mogao biti takav da se usvoji ova Metodologija, odnosno ovo što ste nam i predložili u vidu Nacrta te da se u koordinaciji sa Komisijom Općinskog vijeća za statutarna pitanja, predsjedništvom MZ-a pregleda dokumente, uskladi sa zakonskim i drugim normativno pravnim aktima koji regulišu ovu oblast, izradi kvalitetan prijedlog navedenih dokumenata koje u jednoj od narednih sjednica koje će se u jednoj od narednih sjednica dostaviti Općinskom vijeću na usvajanje.

Eldina Mehinagić, ja sam bila predložila kraj februara ali ako mi ne stignemo do tada, nemojte zamjeriti ipak je to...

Predsjedavajuća Svjetlana Zamboni-Radovanović, pa evo neka stoji u jednoj od narednih sjednica.

Eldina Mehinagić, eto možete i uz mogućnost produženja jer vidjet ćete vi to je zaista nešto dobro, puno će nam pomagati.

Predsjedavajuća Svjetlana Zamboni-Radovanović, dobro hvala vam. Ima li još diskutacija. Samo malo da vidimo hoće li još neko diskutovati po ovoj temi. Neće, zaključujem raspravu. Pauza Klub SDA. Zamolila bih vijećnike da zauzmu svoja mjesta, načelnika i gospodina Ferića takođe. Stav kluba SDA iznijet će nam vijećnik Jašić.

Vijećnik Safet Jašić, ma ništa, ja sam i kroz svoju predhodnu diskusiju onaj predložio, čudi me da niste evidentirali, onaj da ovo ide u obliku informacije.

Predsjedavajuća Svjetlana Zamboni-Radovanović, da to ste vi kazali.

Vijećnik Safet Jašić, i evo i sada poslije ove pause predlažemo da ide..

Predsjedavajuća Svjetlana Zamboni-Radovanović, ostajete pri svom prijedlogu.

Vijećnik Safet Jašić, ostajemo pri svom prijedlogu.

Predsjedavajuća Svjetlana Zamboni-Radovanović, dobro, nadam se da ste razmotrili i analizirali izlaganje šefice resorne službe koje je bilo kvalitetno i vrlo jasno šta nam je činiti u narednom period. Dakle prije svega evo moram dati na glasanje prijedlog vijećnika Jašića, odnosno jel to bilo u ime Kluba SDA gospodine Jašiću, u ime Kluba SDA dakle da ovo pretvorimo samo u informaciju o Metodologiji MZ-a ko je za takav prijedlog?

Glasalo za; Adis Abdurahmanović, Mirsad Bejzić, Safet Jašić, Edin Osmić, Eldin Pehrat, Edin Salatović (SDA). U Sali nije prisutan vijećnik Begić, predsjednik Kluba SDA.

Glasalo protiv; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA), Hajrudin Ferić (DF), Elvir Vehabović (samostalni vijećnik), Mustafa Bešić (samostalni vijećnik)

Uzdržani, nema.

Drugi prijedlog je bio iznesen od strane šefice resorne Službe pa ću ja evo još jednom pročitati i zapisnika radi dakle prijedlog bi glasio da se usvaja Metodologija MZ-a u vidu Nacrta, te se nalaže nadležnoj resornoj Službi da u koordinaciji sa Komisijom Općinskog vijeća za statutarna pitanja, predstavnicima MZ-a pregleda dokumente, uskladi sa zakonskim i drugim normativno pravnim aktima koji regulišu ovu oblast...sačekat ćemo da gospodin Bešić završi. Jeste završili Bešiću? Da ja završim prijedlog zaključka, izradi kvalitetan prijedlog navedenih dokumenata koje će u jednoj od narednih sjednica dostaviti na usvajanje Općinskom vijeću. Rok za dostavu ovih dokumenata bio bi 28.02.2022, godine a u slučaju tehničkih poteškoća može se kratko i produžiti. Slažete li se sa ovakvim prijedlogom zaključka to je rekla šefica. Ko je za ?

Glasalo za; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz

Galijašević, Senad Šehić (SDP), Aida Bašić (A-SDA), Hajrudin Ferić (DF), Elvir Vehabović (samostalni vijećnik), Mustafa Bešić (samostalni vijećnik)

Glasalo protiv; ; Adis Abdurahmanović, Jasmin Begić, Mirsad Bezić, Safet Jašić, Edin Osmić, , Eldin Pehrat, Edin Salatović (SDA).

Uzdržani; nema.

ZAKLJUČAK

13.1. Usvaja se metodologija MZ-a u vidu Nacrta, te se nalaže nadležnoj resornoj službi da u koordinaciji sa Komisijom Općinskog vijeća (Komisija za statutarne pitanja, Poslovnik i propise) i predstavnicima mjesnih zajednica pregleda dokumente, uskladi sa zakonskim i drugim normativno pravnim aktima koji regulišu ovu oblast i izradi kvalitetan prijedlog navedenih dokumenata, koje će u jednoj od narednih sjednica dostaviti na usvajanje Općinskom vijeću;

13.2. Rok za dostavu ovih dokumenata bio bi 28.02.2022.godine, a u slučaju tehničkih poteškoća može se kratko i produžiti

AD – 14 Godišnji plan potencijalnih JPP projekata za 2022.godinu;

Predsjedavajuća Svjetlana Zamboni-Radovanović, prelazimo na narednu tačku dnevnog reda a to je Godišnji plan potencijalnih JPP projekata za 2022.godinu i odmah dakle pridružujem tome i Srednjoročni plan potencijalnih JPP projekata za 2022-2024.godinu. Otvaram raspravu. Zatvaram raspravu. Hvala vam Nermine, nema pitanja očigledno jasno je iz dokumenta o čemu se radi te na glasanje stavljam Godišnji plan potencijalnih JPP projekata za 2022.godinu. Ko je za?

Glasalo za ; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA), Hajrudin Ferić (DF), Elvir Vehabović (samostalni vijećnik), Mustafa Bešić (samostalni vijećnik).

Protiv ; nema.

Uzdržani; Adis Abdurahmanović, Jasmin Begić, Mirsad Bezić, Edin Osmić, , Eldin Pehrat, Edin Salatović (SDA). U Sali nije prisutan vijećnik Jašić.

ZAKLJUČAK

14.1. Usvaja se Prijedlog Godišnjeg plana potencijalnih JPP projekata za 2022.godinu;

AD – 15 Srednjoročni plan potencijalnih JPP projekata za 2022-2024.godina ;

Predsjedavajuća Svjetlana Zamboni-Radovanović, Srednjoročni plan potencijalnih JPP projekata za 2022-2024.godina, ko je za donošenje ovog plana ? Protiv ? Uzdržan?

Glasalo za; Svjetlana Zamboni -Radovanović, Elvir Arnautović, Mirza Bradarić, Fikret Delić, Jasmin Đuhera, Samir Fetić, Mirza Mešić, Arif Mujkanović, Almin Smailović, Firuz Galijašević, Senad Šehić (SDP), Aida Bašić (A-SDA), Hajrudin Ferić (DF), Elvir Vehabović (samostalni vijećnik), Mustafa Bešić (samostalni vijećnik).

Glasalo protiv; nema.

Uzdržani; Adis Abdurahmanović, Jasmin Begić, Mirsad Bezić, Edin Osmić, , Eldin Pehrat, Edin

Salatović (SDA). U Sali nije prisutan vijećnik Jašić.

Z A K L J U Č A K

15.1. Usvaja se Prijedlog Srednjoročnog plana potencijalnih JPP projekata za 2022-2024.godina ;

AD – 16 Informacija o realizaciji i spisak korisnika sredstava Budžeta Općine Maglaj za period 2011 – 2020.godina po programu Start-up podrške zapošljavanju mladih i nezaposlenih;

Predsjedavajuća Svjetlana Zamboni-Radovanović, prelazimo na narednu tačku dnevnog reda a to je Informacija o realizaciji i spisak korisnika sredstava Budžeta Općine Maglaj za period 2011-2020 godine po program Start-up podrške zapošljavanju mladih i nezaposlenih. Jasno je u materijalu tamo sve napisano ko, šta, zašta je dobio novac u kojem iznosu. To je bilo jedno od naših traženja na nekoj od predhodnih sjednica Općinskog vijeća. Otvaram raspravu. Izvolite.

Vijećnik Jasmin Begić, što se tiče ove informacije koju smo tražili već u narednih nekoliko sjednica možemo reći da je ovo poluinformacija znači. Ono najbitnije što smo tražili u ovoj informaciji nema. Ja bih molio službu ako zna ovdje predlagrač ove informacije da nam kaže koje su firme ostale da rade od 2011. Znači, to je osnovno ono što smo tražili uporno u ovih par sjednica. Iz ovoga ne vidimo apsolutno nijedna firma da radi ili ne radi. Samo vidimo koje su prestale raditi prije određenog roka i one su morale vratit određena finansijska sredstva, a ja molim opet ako predlagrač službe zna da nam barem kaže pretpostavljam da ih mnogo nije ostalo ovdje da rade.

Predsjedavajuća Svjetlana Zamboni-Radovanović, nema više vijećnika za diskusiju, gospodin Bradarić je tu. Ne vidim ništa od kamermana. Gospodin Bradarić je tu da li možete odgovoriti sada, evo načelnik će ili dostaviti u pisanom obliku odgovor na ovo pitanje ako nemate tu informaciju.

Načelnik Mirsad Mahmutagić, evo ja ću odgovoriti na ovo pitanje dakle radi se o informaciji Start-up općina Maglaj. Svi koji su aplicirali da li su ispunili uslove ili nisu ispunili uslove po aplikaciji dakle tu imate pregled onih koji su ispoštovali uslove javnog poziva i završili onako kako su imali obavezu po javnom pozivu, imate pregled onih koji nisu i koji su sada evo kako kažu ekonomisti uz ovu garanciju itd. vratili dio sredstava u onom dijelu koji nije ispoštovan. Sve ostalo ko radi, ko ne radi imate Poresku upravu, imate registar firmi isprovjeravajte.

Predsjedavajuća Svjetlana Zamboni-Radovanović, hvala lijepo načelniče. To je to. Dakle informaciju kao takvu možemo primiti na znanje a što se tiče vaših zahtjeva možete uputiti vijećničko pitanje na adrese koje odgovaraju na ovakva pitanja. Konstatujem dakle da informaciju o realizaciji i spisak korisnika sredstava Budžeta Općine Maglaj za period 2011-2020.godina po program Start-up podrške zapošljavanju mladih i nezaposlenih primamo k znanju.

Z A K L J U Č A K

16.1. Informacija o realizaciji i spisak korisnika sredstava Budžeta Općine Maglaj za period 2011 – 2020.godina po programu Start-up podrške zapošljavanju mladih i nezaposlenih se prima k znanju;

AD – 17 Informacija o stanju poljoprivrede na području općine Maglaj;

Predsjedavajuća Svjetlana Zamboni-Radovanović, naredna tačka Informacija o stanju poljoprivrede na području općine Maglaj. Otvaram raspravu. Dakle sveobuhvatna je. Materijale

smo dobili. Otvaram raspravu, a Službu bi zamolila da bilježi ukoliko bude pitanja. Izvolite gospodine Abdurahmanović.

Vijećnik Adis Abdurahmanović, po pitanju ove informacije, informacija kao informacija je prilično korektno urađena. Vidi se da je obrađivač informacije profesionalno i metodološki pristupio izradi iste. Samo bismo predložili da u narednom periodu administrativni radnici koji su zaduženi za poljoprivredu izlaskom na teren, obilaskom farmera i poljoprivrednika obavještavaju iste o poticajima koji dolaze s viših nivoa vlasti. Tako da u narednom periodu sredstva koja su predodređena za poljoprivredu naše općine budu u potpunosti dodijeljena poljoprivrednicima da nam se ne dešava da znatne iznose vraćamo višim nivoima vlasti. Hvala.

Predsjedavajuća Svjetlana Zamboni-Radovanović, hvala vam, nema više diskutanta evo nadam se da se i služba slaže uvažavajući ovu sugestiju iznesenu... izvolite načelniče. Ja sam mislila da će se gospodin Bradarić ili gospođa Satka javiti. Nisam ne vidim ja od kamermana ne vidim vas gore uopće znači...

Načelnik Mirsad Mahmutagić, ja sam očekivao da će se javiti Dženana da ovo objasni, da se ne igramo. Ja znam od koga dolaze ovakve informacije al da se ne igramo da neko to ne radi svoj posao i da se vraćaju sredstva pa kako su dodijeljena sredstva, pa valjda aplikacijom Općine Maglaj, Dženana molim te izađi i pojasni ako imaš čak i ime i prezime službenika u Federalnom ministarstvu koje je napravilo grešku zbog čega je prošao jedan spisak a ne drugi spisak. Ono što je Općina odradila, odradila je sve maksimalno u korist naših poljoprivrednika i pogledajte koliko sredstava je dobijeno. Vama sugerišem hajd izbacite iz sebe zlobu prema poljoprivrednicima i sportistima i ljudima iz kulture. Pokušajte malo preko vaših ministara i vlada pogurati malo da nešto dođe u Maglaj. Nemojte raditi protiv, dakle imate situaciju od 2016. godine da se radi protiv. Prvu informaciju zvaničnu koju sam dobio, dobio sam od Federalnog ministra koji mi je u lice rekao kako predsjednik SDA, radi protiv općine Maglaj.

Predsjedavajuća Svjetlana Zamboni-Radovanović, hvala lijepo. Prvo replika Dženana pa onda vi. Ne vidim vas da znate ne vidim kad se javljate od kamermana pa samo zvukovni neki ili gledajte Emina i Aida molim vas.

Vijećnik Jasmin Begić (replika), ništa u izlaganju gospodina Adisa i Abdurahmanovića nije bilo zlonamjerno. Ko je pratio znači Budžet i izvršenje vidio je da je prošle godine vraćena su sredstva iz poljoprivrede nisu raspoređena i vraćena su Ministarstvu poljoprivrede.

Predsjedavajuća Svjetlana Zamboni-Radovanović, ako dozvolite gospodine Begić mislim da je upravo to tražio načelnik od gospođe Grahić da nam pojasni tako da možda..

Vijećnik Jasmin Begić; eto super ja ću očekivati to pojašnjenje. Nije problem znači ništa, ako ste vidjeli ovdje i u Nacrtu ovog Budžeta i Prijedlogu Budžeta da uopšte nema većih projekata koje ćemo aplicirati prema Federaciji i kantonu. U kontaktu jeste u kantonu jest vlast SDA i svi znamo koliko je Ministarstvo za boračka lica prebacilo u općinu Maglaj, koliko Ministarstvo poljoprivrede tako da nije bilo uopšte bojkota od strane tih ministarstava i u kontaktu smo sa njima. Ja kažem zašto se više ne dodjeluju sredstva u Maglaj poput Visokog, poput Kaknja, nebitno koja je vlast i na ovu temu sam razgovao i sa predsjednikom SDP-a Maglaj znači nismo zlonamjerni nikad bili, nećemo ni biti, prioritet je Općina Maglaj i oni kažu jednostavno nema adekvatnih projekata od strane Općine Maglaj. Ja bih volio sada da iznesete bilo koji projekat koji je prošao gore, koji ste poslali gore a nije prošao da se mi založimo sigurno i da taj projekat bude realizovan. Da ja imam adut u komunikaciji sa tim višim organima u vlasti, da kažem evo ovaj projekat aplicirala općinska administracija, vi niste odobrili. Da oni meni ne začepu usta i kažu nema projekata. Eto toliko.

Predsjedavajuća Svjetlana Zamboni-Radovanović, hvala. Replika načelnika. Ferhate dobro.

Načelnik Mirsad Mahmutagić (replika), ja sam na početku sjednice rekao u intelektualnom i karakternom nivou ove osobe pa da ne ponavljam. Dakle..

Predsjedavajuća Svjetlana Zamboni-Radovanović, nemojte molim vas. Molim vas nemojte se vrijeđati i...

Načelnik Mirsad Mahmutagić, dakle to nosite od kuće, to vam od roditelja...

Predsjedavajuća Svjetlana Zamboni-Radovanović, dosta rasprave molim vas.

Načelnik Mirsad Mahmutagić, dakle prvo je neznanje, evo čovjek danas završili Budžet, on opet ne zna kako se pravi Budžet. U Budžet da stavite nešto što ćete negdje aplicirati. Vi aplicirate i milioni se apliciraju godišnje, a vi mislite uvećati Budžet za milion i nešto maraka koji se ne može izvršiti. Jedna je stvar apliciranje, a druga je stvar proći na projektu. Ono gdje se prolazi redovno, to se i predviđa kao što je Federalno ministarstvo prostornog uređenja a ako Nermin Bešliagić nije otišao može vam ovdje nabrojati koliko hoćete projekata koji se apliciraju od strane Općine Maglaj ali ne prolaze, ne prolaze zato što vam imaju pik vaši ministri gdje god su općine, gdje nisu SDA-ovi načelnici i tako vam vlada kantona 2020.godine upumpa 7-8 miliona maraka da bi bivši premijer postao gradonačelnik Visokog umjesto bivše gradonačelnice Amre Babić a ne dodijeli sredstva drugim općinama. Dakle to vam je, to su vam malina respiratori, to vam je SDA. Istina.

Predsjedavajuća Svjetlana Zamboni-Radovanović, hvala lijepo. Ja bih zamolila gospodina Bradarića da izađe i da nam pojasni o čemu će...stvarno više ne znam na šta se svede ova sjednica, šta će građani reći, mislim..

Vijećnik Jasmin Begić (replika), sve će građani vidjeti kako su birali. Repliku znači nemam potrebe na ovaj vokabular načelnika. Svi znamo njega i svi su ga upoznali, ja molim za ovom govornicom Nermina Bešliagića neka mi predoči znači koji projekat je apliciran ispred općine i da mi da kopiju tog projekta.

Predsjedavajuća Svjetlana Zamboni-Radovanović, gospodine Bradriću. Ne znam šta ste sada replicirali ali eto. Izvolite.

Ferhat Bradarić, prvo da vas sve pozdravim.

Predsjedavajuća Svjetlana Zamboni-Radovanović, molim vas, bez rasprave.

Ferhat Bradarić, vezano za informaciju o stanju poljoprivrede i ova sredstva koja su aplicirana u toku prošle godine znači 2020. uglavnom vezana su bila za program proljetne sjetve 2020. program jesenske sjetve 2020.godine gdje je Federalno ministarstvo objavljivao javne pozive za sve jedinice lokalne samouprave na nivou FBiH. Gdje su po preliminarnim podacima znači koje smo mi dobijali od strane aplikanta fizičkih lica, od poljoprivrednih proizvođača, ta sredstva bila uokvirena u iznose koje su oni nama bili tada definisani znači sa donjom i gornjom granicom sredstava koja možemo povući u odnosu na taj broj aplikanta sa maksimalno 1000,00 KM po aplikantu, međutim po opredjeljivanju tih sredstava poljoprivredni proizvođači su morali to dokazati kroz fiskalne račune i zasijane površine gdje smo mi kao služba izlazili svakom tom poljoprivrednom proizvođaču na lice i utvrđivali znači za svaki fiskalni račun koji je morao biti naznačen sa određenom vrstom i vrstom troška koje je Federalno ministarstvo priznavalo i brisati znači sve vrste nekakvih recimo ulaganja tipa u sistem za navodnjavanje kroz nekakve pojilice i nešto slično koje su oni nabavljali kroz te iste račune i to se moralo kao tako izbijati. S obzirom da je taj poziv bio znači namijenjen za sve poljoprivredne proizvođače svi su se u tom prvom pozivu morali odazvati. Svi oni koji su se odazvali kasnije kroz ono pravdanje računa donosili, nisu mogli biti uobzireni od strane Federalnog ministarstva poljoprivrede i tako da je shodno tome desio se taj određen broj iznosa, troškova, koji nisu mogli biti priznati od strane federalnog ministarstva poljoprivrede i kroz proljetnu sjetvu i kroz jesensku sjetvu i to su općine bile dužne da vraćaju i sve su to općine vraćale znači nije to bila samo Općina Maglaj, mi smo to vratili možemo reći simbolično u odnosu na ovaj iznos koji smo dobili recimo Doboju Jug je vratio sad da ne kažem 75 % sredstava u odnosu na ono koliko je bilo opredijeljeno jer nisu mogli da opravdaju to jer se u prvom pozivu znači koji je bio u toku slagat ću vam sada napamet govorim mjeseca aprila 2020.godine oni kao poljoprivredni proizvođači prijavljivali u mjesecu julu izvan tog vremenskog poziva kad je bio javni poziv i ti poljoprivredni proizvođači nisu mogli biti uobzireni. Mi smo tada slali cirkularno, sve općine na nivou Federacije prema Federalnom ministarstvu poljoprivrede da daju priliku da uobzire, međutim pored tih nekakvih usmenih obećanja pomoćnika Pejića, ne znam kako se zove gospodin . Na kraju smo dobili pismeno da ne može biti uobzireno da mora to biti izuzete te osobe i kroz proljetnu sjetvu i kroz jesensku sjetvu, to je dio sredstava koji je bio morao biti vraćen to bi svaka druga radnja bila krivično djelo. Nisu to veliki iznosi a u odnosu na sve one programe koji smo realizovali prošle godine. Kad su u pitanju ovi općinski projekti gdje mi apliciramo, mi kao općina pratimo javne pozive, znači, mi prvo ne možemo aplicirati projekte

odmah za informacije znači ukoliko ne postoji javni poziv, Federalno ministarstvo poljoprivrede i Kantonalno ministarstvo poljoprivrede imaju uredbu o programu podrške poljoprivrednim proizvođačima. Federalno ministarstvo ima jednu malo širu lepezu podrške i oni to kroz jedan podprojekat koji oni zovu projekat ruralnog razvoja podržavaju poljoprivredne proizvođače u oblasti poljoprivrede gdje oni imaju priliku da apliciraju projekte od stajskih objekata, mehanizacije, obnavljanje stada i slično i to su projekti koje mi pratimo. Kolegica Satka je u glavnom fokusu tih ljudi, jer oni to podnose lično Federalnom ministarstvu poljoprivrede a mi u suštini pripremamo 90 % tih stvari. Gdje god ima javni poziv, Općina Maglaj se prijavljuje s tim da moramo priznati da takvih je poziva stvarno malo od strane i od Federalnog ministarstva poljoprivrede i od strane kantonalnog za općine. Gro tih poziva su za poljoprivredne proizvođače i oni to stvarno koriste. Vidjeli ste prošle godine to je negdje cirka nekih 800.000,00 maraka bilo podrške. To je jedini razlog, oni su nama dostavljali fiskalne račune mi smo bukvalno svaki fiskalni račun gdje ima ne znam farma muznih krava Šehić on je nabavljao pojilice, nabavljao nekakve vodilice, nabavljao...eh sad on je kroz to nabavljao hemijska sredstva za tretman bilja i to je priznavano, od ukupnog iznosa ne znam 600,00 KM na računu priznato mu je samo 200, 00 jer to Federalno ministarstvo nije dozvoljavalo i oni su bukvalno nama vraćali, ustvari nama nisu mi nismo imali taj problem al gro općina su vraćali da izvrše reviziju svojih tih dostavljenih izvještaja i da revidiraju te iznose da bi mogli vratiti sredstva jer nisu utrošena kako su navedena kroz javni poziv.

Predsjedavajuća Svjetlana Zamboni-Radovanović, dobro, jasno.

Vijećnik Edin Salatović, ja ću malo pokušati ne da spustim loptu nego da se zaista i lično sam moja supruga radi u plastenicima i želim zaista da se zahvalim gospođi Satki na njenoj, ja ne znam zaista tom svesrdnom radu. Jedna javna zahvala u ime svih poljoprivrednika iz Bradića, znam evo i iz Liješnice dosta i sa drugih koji su uvijek došli zaista svaka vam čast. Hvala vam još jednom.

Predsjedavajuća Svjetlana Zamboni-Radovanović, sve pohvale Satka. Abdurahmanović.

Vijećnik Adis Abdurahmanović, ja ću evo malo kao što reče kolega Salatović, da spustim loptu. Ne znam da pitam samo da li ste vi pomno slušali moje izlaganje. Čim sam ja proizveo ovakvu reakciju načelnika. Ja sam pohvalio rad i rekao da nam se ne dešava da vraćamo sredstva. Gospodin Bradarić je izašao i objasnio zašto se vraćaju sredstva. Isto kao što je rekao gospodin Salatović, poljoprivrednici sa mog dijela općine, Kosove i Moševca dole su prezadovoljni radom gospođe Satke i gospodina Bradarića znači maksimalno se daju na tome. Ja bih načelniku evo obratio se da kažem da budete gospodin, da budete načelnik. Ja načelniče stičem utisak da sam tu da ne vidim da ovdje piše načelnik općine Maglaj, meni više ličite na općinskog vijećnika koji, ne smije se ništa progovoriti izađete ovdje i udarate po svima nama. Zaista nije bilo ni jedne najmanje loše namere da proizvedemo onakvu reakciju. Mislim zaista imate dovoljno vijećnika svi su oni pametni dovoljno, dovoljno stručni pa neka izlaze ovdje. Mislim zaista nema smisla, nema smisla neću ulaziti u vaše odnose sa gospodinom Begićem, šta vi imate tamo iza, ali moje izlaganje oko poljoprivrede ni jednu najmanju nije imalo da vi izađete ovako da reagujete. Hvala.

Načelnik Mirsad Mahmutagić, evo dajem odgovor dakle upravo tako kako sam reagovao tako ste i postupili. Nije vam prvi put tako inače postupate kao Klub, i nemojte očekivati da izlaze neki od vijećnika da brane općinsku administraciju. Vijećnici neka rade svoj dio posla, a mi ćemo svoj dio posla. Gospodski se ne možete ponašati kada neko s druge strane nije gospodin, evo vidite ako se budete tako ponašali, ne govorim sada za sve iz Kluba SDA, znaju oni koje ja izuzetno cijenim onda ćete imati kako se ponašate, imate ćete takav odgovor s druge strane. Evo to što sam ja reagovao tako je proizvelo na kraju da izađete pa da kažete nešto i pozitivno. Dakle da ste izašli pa rekli pozitivno da gospođa Satka radi kao crnac u općini, jedina na poljoprivredi odradi godišnji lavovski posao i lijepo je se zahvaliti i reći da tako radi. Da je tu i gospodin Bradarić uz nju, Ferhat dakle evo Salatović izašao pa rekao za gospođu Satku. To vam je poljoprivreda i ne radi to načelnik, ja upravo hoću da izađem i ovakve moje reakcije su upravo, jer napadate te ljude dole koji rade. Mene možete napadati vi se mene ne dotičete plaho ovaj barem oni koji čine snagu SDA.

Predsjedavajuća Svjetlana Zamboni-Radovanović, ja samo hoću da..hoćes mi dozvoliti da i ja nešto kažem. Ja bih ove diskusije svela samo u jednom smjeru i evo kao i predsjedavajuća

slijedom diskusija kolega koje su izlazile, zaista čestitam i gospođi Satki i gospodinu Bradariću na ogromnom trudu koji su uložili na zadovoljstvo poljoprivrednika koji nikada zaista nikada ne kriju svoje zadovoljstvo vašim radom onim što općinska administracija čini da njih podrži i da im uvijek bude otvorena podrška u njihovom radu hvala vam i u moje lično ime. Izvolite gospodine Begiću.

Vijećnik Jasmin Begić, radi javnosti znači i gdje smo izabrani shodno ljudima koji su dali nam povjerenje ja molim Ferhata Bradarića samo šefa službe, nemam pojma da nam kaže samo vezano za ovaj projekat prema poljoprivredi što je odobren je li bilo opstrukcije bilo kakve od ministarstva i jesu umanjena sredstva na osnovu tog projekta.

Predsjedavajuća Svjetlana Zamboni-Radovanović, Ferhate izvolite.

Ferhat Bradarić, ovako ja, nisam se pripremio baš za ovu tačku da sam znao malo bih ja donio nekih materijala. Kada u pitanju bila i proljetna i jesenska sjetva u 2020.-toj godini Općina Maglaj kao i svaka druga od 79 općina u FBiH je aplicirala na ovaj javni poziv. Pozvala poljoprivredne proizvođače sa područja općine koji su imali namjeru i koji su planirali ili koji su čak u nekoj perspektivi razmišljali da se odazovu, da se prijave na ovaj poziv. Imali smo stvarno velik broj naših sugrađana. Kroz javni poziv smo imali kontakte sa Federalnim ministarstvom konkretno sa gospodinom Pejićem, oni su nam rekli da izvan tog okvira smo mogli da prihvatimo još te neke koji su se prijavljivali sa zakašnjenjem, obzirom da je bilo u toku stanja pandemije tako da je taj iznos koji smo mi bili dobili, opredjele ustvari za općinu Maglaj je bio otprilike da pokrije sve te aplikante. Međutim kroz kasniju komunikaciju koja je bila pismena sa Federalnim ministarstvom poljoprivrede dobili smo cirkularno pismo prema svim općinama da svi ti koji su izvan tog javnog poziva se prijavila jedan dan nisu mogli biti uzeti u obzir. Mi smo tu slali urgencije, kontaktirali smo sa drugim općinama čak u regiji ovdje od Tešnja, Zenice do Kaknja, Travnika da nam odobre znači za sve općine, jer je to bilo u cilju poljoprivrednih proizvođača međutim njihovo stajalište sa strane ministarstva je napismeno bilo da ono sve što je bilo po javnom pozivu da se mora ispoštovati. Sve izvan tog javnog poziva nisu mogli biti uobzireni znači od strane općine stvarno nije bilo nikakvih loših namjera, loših riječi bilo čega. Bila je komunikacija korektna s naše strane osigurali smo svu i isplatili svo finansiranje po tom projektu poljoprivrednim proizvođačima. Svi ti koji su aplicirali dobili su, bili su zadovoljni tako da...znači sva ta komunikacija bila kako prema Općini Maglaj, tako je bila prema Općini Zenica, Sarajevo, Mostar znači bilo koje mjesto.

Predsjedavajuća Svjetlana Zamboni-Radovanović, hvala lijepo. Evo da zaključimo raspravu po ovom pitanju i možemo samo konstatovati da informaciju primamo k znanju.

Z A K L J U Č A K

17.1. Informacija o stanju poljoprivrede na području općine Maglaj se prima k znanju;

AD - 18 Informacija o stipendiranju studenata sa teritorije općine Maglaj za školsku 2020/2021 godinu;

Predsjedavajuća Svjetlana Zamboni-Radovanović, prelazimo na narednu tačku dnevnog reda a to je Informacija o stipendiranju studenata sa teritorija općine Maglaj za školsku 2020/2021 godinu. Otvaram raspravu. Izvolite Senad.

Vijećnik Senad Šehić, sve vas pozdravljam. Da se vratimo nekim pozitivnim stvarima. Kada je u pitanju ova Informacija o stipendiranju studenata sa teritorije općine Maglaj za školsku 2020/2021 godinu. Sve je zaista decidno objašnjeno, kratko i jasno i ja bih zaista da pohvalim Službu i koordinaciju sa Komisijom za obrazovanje, nauku, kulturu i sport Općinskog vijeća za prijedlog koji se odnosi na iznos stipendije, kao i načelniku Mahmutagiću na saglasnosti i prihvatanju dobrih prijedloga i inicijativa. Posebno bih istakao da mi je drago što općinske stipendije na neki način su stabilne i bilježe tendenciju rasta iz godine u godinu, što je pokazatelj brige o našim studentima posebno u ovim teškim vremenima korona virusa, smanjenih prihoda itd. jer se zaista radi o iznosu koji nije zanemarljiv. Da se sada ne vraćam na predhodne školske godine uporedio bih samo

stipendiju Ministarstva za obrazovanje, nauku kulturu i sport ZDK i općinsku razlika je očigledna. Hvala.

Predsjedavajuća Svjetlana Zamboni-Radovanović, hvala lijepo. Nema više diskutiranih eva mogu konstatovati da uz pohvale naravno koje su iznesene od vijećnika Šehića za načelnika i Službu da informaciju primamo k znanju.

Z A K L J U Č A K

18.1. Informacija o stipendiranju studenata sa teritorije općine Maglaj za školsku 2020/2021 godinu se prima k znanju;

AD – 19 Informacija o radu JU Centar za djecu i odrasle sa posebnim potrebama ZDK za 2020.godinu

Predsjedavajuća Svjetlana Zamboni-Radovanović, posljednja tačka danas je Informacija o radu JU Centar za djecu i odrasle sa posebnim potrebama ZDK za 2020.godinu. otvaram raspravu. Zatvaram raspravu i konstatujem da informaciju primamo k znanju.

Z A K L J U Č A K

19.1. Informacija o radu JU Centar za djecu i odrasle sa posebnim potrebama ZDK za 2020.godinu se prima k znanju.

Predsjedavajuća Svjetlana Zamboni-Radovanović, vrijeme je za vijećnička pitanja i inicijative. Izvolite, Fetić, Salatović, Jašić, Abdurahmanović tim slijedom.

Vijećnik Samir Fetić, Obzirom da se staza pored željezničke pruge često koristi za šetnje pješaka, trčanje i vožnju biciklom, a u korist svojih građana Općine Maglaj, ovom prilikom predlažem da Općina tokom sljedeće godine izdvoji određena novčana sredstva i planira sljedeće:

-oko 160 m ovog puta od Binga prema ostatku staze treba u potpunosti asfaltirati ,

-izvršiti popravku ostatka staze,

.postaviti nekoliko klupa i korpi za otpatke,

.da se uspostavi zabrana saobraćaja motornih vozila na toj dionici puta.

Smatram da bi uložena sredstva imala višestruku korist za sve građane koji ovu dionicu puta mogu iskoristiti za rekreaciju, jer će ista nastavljati se na novi projekat postavljanja zastave BiH, koji priprema IZ Maglaj.

Dopredsjedavajuća Aida Bašić, hvala gospodine Fetić, gospodine Salatović izvolite.

Vijećnik Edin Salatović, Podnosim vijećničku inicijativu da se izvrši čišćenje odvodnih kanala iznad pruge na potezu Liješnica-Maglaj ispod Sikole. Naime svjedoci smo da prilikom svake kiše dolazi do stvaranja vodenih izljeva na putu ispod Sikole, a u hladnim danima i do stvaranja poledice na istom a što dovodi do ugrožavanja nesmetanog odvijanja saobraćaja. Problem se može riješiti angažovanjem radnika na čišćenju kanala iznad pruge čime bi se oborinske vode kanalizovale u rijeku Bosnu i spriječile da voda dolazi na ovaj put. Smatram da je najbolje da na teren izađe nadležna inspekcija i utvrdi stanje na terenu i rješenje ovog problema.

Dopredsjedavajuća Aida Bašić, hvala, gospodine Jašić.

Vijećnik Safet Jašić, ma ništa poznato je da je u MZ Kopice prošle godine instaliran trafo i dan danas taj trafo nije u funkciji. Bilo je otvorenje, uslikali se ljudi, a mi sada ne samo za praznike vjerske nemamo struje nego skoro pa svako veće dio sela je u mraku. Prema tome apelujem na administraciju općine i službu da maksimalno se potrude i da djeluju na elektrodistribuciji Maglaja kako bi se ovaj trafo stavio konačno u funkciju. Zaista je problem neću se ni šaliti, mislio sam se malo našaliti na račun ovoga, ali ovo je ozbiljan problem i de da, ovo su stvari koje se zaista moraju rješavati. Ovo je 21.vijek. Toliko hvala.

Dopredsjedavajuća Aida Bašić, hvala Jašiću, Abdurahmanoviću izvolite.

Vijećnik Adis Abdurahamanović, kratko ću, imam dva vijećnička pitanja i jednu inicijativu. Zbog čega mi kao općinski vijećnici nemamo pristup službenoj web stranici Općine Maglaj kako bi mogli pogledati Službene novine ili pročitati neke od službenih akata vijeća?


Na inicijativu mještana Gornje Kosove, tačnije naseljenog dijela Begići, podnosim vijećničku inicijativu. U naseljenom dijelu Gornja Kosova u posljednje vrijeme uočen je povećan broj pasa lualica. Pored toga što psi nanose štetu građanima, veliki problem predstavlja kretanje pasa u poslijepodnevnim satima na dijelu autobusnog stajališta u Gornjoj Kosovi, tako da roditelji malih đaka moraju sačekati svoju djecu pri izlasku i autobusa i tako im osigurati da ne budu napadnuti od strane pasa. Apelujem na službu da angažuju udruženje (azil) sa kojim Općina Maglaj ima potpisan ugovor da pristupe uklanjanju pasa lualuca sa pomenutog područja.

Na području MZ Kosova trenutno imamo 12 sijalica ulične rasvjete koje su u kvaru, skinute i odnešene na reklamaciju. Neke su u kvaru već 4-5 mjeseci. Takođe pouzdano znam da je identična situacija i na području drugih MZ. Postavljam vijećničko pitanje da li je Općina Maglaj imala potpisan ugovor o održavanju ulične rasvjete na području općine Maglaj, jer nedopustivo je da se čeka po par mjeseci zamjena sijalica ulične rasvjete.

Dopredsjedavajuća Aida Bašić, hvala. Ima li više vijećničkih pitanja. Zaključujem 11.redovnu sjednicu Općinskog vijeća

Sjednica zaključena u 12:45h.

Zapisničar
Elza Gračić



PREDSJEDAVAJUĆA
Svjetlana Zamboni- Radovanović